



# PLANU ASAUN NASIONÁL

REZOLUSAUN KONSELLU SEGURANSA  
NASOINS UNIDAS 1325 (2000)  
FETO, PÁS NO SEGURANSA (2024-2028)



Ho apoiu husi

  
United Nations Entity for Gender Equality  
and the Empowerment of Women





# PLANU ASAUN NASIONAL

REZOLUSAUN KONSELLU SEGURANSA

NASOINS UNIDAS 1325 (2000)

FETO, PÁS NO SEGURANSA (2024-2028)



Ho apoiu husi



United Nations Entity for Gender Equality  
and the Empowerment of Women

# ÍNDISE

Lian Makloke	v
Abreviasaun	vi
I. Introdusaun	1
1.1. RKSNU 1325 Feto, Pás no Seguransa	1
1.2. Governu Timor-Leste nia kompromisu ba implementasaun Feto, Pás no Seguransa	2
II. Kompromisu Governu nian ba faze daruak PAN 1325	3
Konsulta ho liña ministériu sira iha Dili	5
Konsulta iha Munisípiu sira	5
III. Aprende husi Implementasaun faze dahuluk PAN 1325	6
Dezafiu no oportunidade	6
IV. Reafirma Timor-Leste Nia Kompromisu Ba Implementasaun Faze Daruak Ba Ajenda Feto, Pás No Seguransa Iha Timor-Leste	9
V. Hametin Parseria Ho Sosiedade Sivil Iha Prosesu Dezenvolvimentu PAN 2024-2028	11
VI. Mekanizmu Implementasaun No Avaliasaun Ba PAN 1325 (2024-2028)	12
VII. Matrix Planu Asaun Nasionál (PAN) Ba Feto, Pás No Seguransa (2024 - 2028)	13
Aneksu 01: Planu Asaun Nasionál 1325 Konsellu Seguransa Nasoins Unidas Feto, Pás no Seguransa (2000) Timor-Leste (2024 -2028)	14
Aneksu 02: Rezultadu Sorumutu Konsulta PAN 1325 ho Sosiedade Sivil	29
Aneksu 03: Mekanizmu Implementasaun No Monitorizasaun RKSNU PAN 1325 Feto, Pás No Seguransa (2024-2028)	34
Aneksu 04: Rekomendasaun Espesífiku ba Pilár 4 husi PAN 1325	40

## LIAN MAKLOKE

---

**T**imor-Leste restaura ninia independénsia iha 20 Maiu 2002 liuhusi prosesu ida naruk ho konfliktu ne'ebé nia konsekuénsia fetu no labarik-fetu sira iha Timor-Leste mak sente barak liu. Atu rekoñese istória violéntu ida ne'e, IV Governu Timor-Leste liuhusi Sekretariu Estadu Seguransa hahu prosesu dezvoltimentu Planu Asaun Nasionál atu kumpre agenda Fetu, Pás no Seguransa tuir Rezolusaun Konsellu Seguransa Nasoins Unidas nian 1325 hodi buka atu hatuur fetu timoroan sira nu'udar sentru iha prosesu hari'i dame no estadu. Nune'e, IX Governu liuhusi Ministeriu Interior hakarak reafirma ninia kompromisu atu implementa faze daruak husi Planu Asaun Nasionál 1325 (PAN 1325, 2024-2028) Rezolusaun Konsellu Seguransa Nasoins Unidas nian 1325 (RKSNU 1325).

Implementasaun ba faze dahuluk PAN 1325 remata iha tinan 2020. Hafoin ne'e, pandemia Covid-19 ne'ebé hahú nu'udar emerjénsia saúde públika maibé sai ona hanesan krize globál sosiál no ekonómiku no impede dezvoltimentu Timor-Leste nian iha aspetu oin-oin inklui progresu iha PAN 1325 kona-ba Fetu, Pás no Seguransa (FPS). Nune'e, iha tinan 2020 sai hanesan tinan ikus ba implementasaun faze dahuluk ba PAN 1325, Ministeriu Interiór halo kedas avaliasaun ho apoiu husi UN Women iha biban aniversáriu ba dala 20 husi RKSNU 1325.

Rezultadu avaliasaun PAN 1325 hatudu katak Timor-Leste halo ona diferensa signifikante iha representasaun fetu iha Parlamentu Nasionál ho 38% husi kadeira sira-ne'e mak fetu kaer, ne'ebé aas liu nivel rejionál (19%) no iha nivel globál (26%) iha 2020. Maski nune'e, sei iha buat barak atu hadi'ak. Partisipasaun fetu iha foti desizaun iha nivel comunidade, no iha setór seguransa no prosesu dezvoltimentu sira seluk, presiza hadi'ak liuhusi diálogu polítika, formulasau no implementasaun, envolvimentu estruradu ho sociedade sivil no konversaun ba iniciativa xave sira. PAN 1325 (2024-2028) ninia objetivu mak atu opera objetivu hirak-ne'e ne'ebé haktuir ona.

Importante tebes atu implementa PAN 1325 ho aprosimasaun multiparte ba prosesu pás ne'ebé inkluzivu. Remata tiha implementasaun PAN 1325 Faze Dahuluk (2016-2020) iha 2021, no Governu Timor Leste kontinua halo avaliasaun ba implementasaun PAN 1325 liuhusi konsultasaun sira atu dezvoltive PAN 1325 Faze Daruak nian. Iha avaliasaun ne'e halo mós mapa ba progresu iha objetivu sira ne'ebé hakerek ona liuhusi konsulta liña ho autór implementadór sira PAN

1325 nian hodi verifika kompromisu ida-idak ba implementasaun PAN 1325. Ida ne'e envolve deliberasaun ho sociedade sivil atu halo revizaun ba programa relevante sira no hala'o konsulta iha nivel munisípiu. Iha faze preparasaun konsulta nian, objetivu prinsipál mak envolve instituisaun governu nian barak liutan no mós sociedade sivil ne'ebé ninia programa sira aliña ho Ajenda FPS nian.

Revizaun ba Planu Asaun Nasionál ida-ne'e hanesan prosesu konsultativu no inkluzivu ida-ne'ebé asegura partisipasaun husi grupu fetu sira iha Timor-Leste, ho foku espesial ba representante husi grupu vulneravel sira, inklui fetu rurál sira, fetu ho defisiénsia sira, fetu sira ne'ebé sobrevivente husi konfliktu pasadu, ema ho defisiénsia sira no comunidade LGBTQ+.

Ho intensaun ne'e, Ministeriu Interior iha kompromisu atu koordena no fasilita sorumutu regulár ho parte interesada sira ne'ebé iha interese ba fetu, pás no seguransa nian, hanesan parte ida husi kompromisu IX Governu nian ba ninia sidadaun sira no mós ba Nasoins Unidas.

Hodi IX Governu Timor-Leste nia naran, ami hakarak hato'o ami-nia apresiasaun no agradesimentu ba entidade sira ne'ebé envolve no kontribui ona ba dezvoltimentu PAN 1325 (2024-2028) – Komité Diretiva, Grupu Traballu ne'ebé kompostu husi liña ministériu sira, Grupu Monitorizasaun no Avaliasaun, parseiru dezvoltimentu sira no organizasaun sociedade sivil sira.

Ami mós agrade tebes ba apoiu tékniku no peritu husi UN Women Timor-Leste, hodi fasilita avaliasaun, konsulta no dezvoltimentu PAN 1325 ba daruak.

Liuhusi ita-nia kolaborasaun, ita sei hamosu mudansa boot ba fetu no labarik-fetu sira nia moris liuhusi hametin partisipasaun ativu fetu iha prosesu pás no dezvoltimentu ne'ebé halo ita-nia fetu no labarik-fetu sira nu'udar partisipante no la'os hanesan deit benefisiáriu.

"Investe iha fetu sira, investe ba futuru nasau nian."

**Ministru Interior**

**Francisco Da Costa Guterres, Ph.D**

## ABREVIASAUN

---

ACbit	Assosiasaun CHEGA! ba Ita
ADTL	Assosiasaun Deficiente Timor-Leste
AFPS	Agenda Feto, Pás no Seguransa
A.HAK	Assosiasaun Hak Asasi dan Keadilan
AJAR	Asia Justice and Right
ANAPMA	Agencia Nacional de Planeamento Monitorizacao & Avaliação
ALFeLa	Assistencia Legal ba Feto no Labarik
APSCTL	Asia Pacific Support Collective Timor-Leste
CAUCUS	Feto iha Política
JSMP	Programa Monitorizasaun Sistema Judisiál
CAVR	Comissão Acolhimento Verdade e Reconsiliação
CCLN	Conselho de Combatentes da Libertação Nacional
CdM	Conselho dos Ministros
CNC	Centro Nacional CHEGA!
CSO	Civil Society Organisation (Organizasaun Sosiedade Sivil)
CVA	Comissão Verdade e Amizade
DNGRD	Diresaun Nasionál Jestaun Risku Dezastre
DNPCK	Direção Nacional de Prevenção de Conflito Comunitária
FA	Fundasaun Alola
F-FDTL	Falintil-Forsa Defeza Timor-Leste
GT	Grupo de Trabalho
GMPTL	Grupo Mulher Parlamentar de Timor-Leste
GoTL	Governu Timor Leste
GPEA	Gabinete Planeamento Estrategico e Assessoria
HIV/SIDA	Human Immunodeficiency Virus/Acquired Immune Deficiency Syndrome
INCSIDA	Instituto Nacional de Combate ao HIV-SIDA
KD	Komité Diretiva
KFP	Komisaun Funsan Públiku
KRAM	Komisaun Reguladora Arte Marciais
LM	Liña Ministerial
MACLN	Ministério para os Assuntos dos Combatentes da Libertação Nacional
MAE	Ministério Administração Estatal
ME	Ministério da Educação
MESC	Ministério do Ensino Superior Ciência e Cultura
MD	Ministério da Defesa
MI	Ministério do Interior

<b>MJ</b>	Ministério da Justiça
<b>MF</b>	Ministério das Finanças
<b>MNEC</b>	Ministério dos Negócios Estrangeiros e Cooperação
<b>MP</b>	Ministério Público
<b>MS</b>	Ministério de Saúde
<b>MSSI</b>	Ministério de Solidariedade Social e Inclusão
<b>ONG</b>	Organizasaun Naun Governamentál
<b>OPS</b>	Oficial Policia Suku
<b>PAA</b>	Planu Asaun Anuál
<b>PAN</b>	Planu Asaun Nasionál
<b>PDHJ</b>	Provedoria dos Direitos Humanos e Justiça
<b>PNTL</b>	Policia Nacional de Timor-Leste
<b>RAEOA</b>	Região Autonomo Enclave Oe-cusse Ambeno
<b>RKSNU</b>	Rezolusaun Konsellu Seguransa Nasoens Unidas
<b>SEACLN</b>	Sekretaria de Estado para os Assuntos dos Combatentes da Libertação Nacional
<b>SEI</b>	Sekretaria de Estado Igualdade
<b>MJDAC</b>	Sekretaria de Estado Juventude e Desporto
<b>SEPC</b>	Sekretaria de Estado Para Protecção Civil
<b>STI</b>	Infesaun Transmisaun Seksuál
<b>TLPDP</b>	Timor-Leste Police Development Programme
<b>TOT</b>	Treinamentu ba Treinadór sira
<b>UNDP</b>	Programa Dezenvolvimentu Nasoens Unidas
<b>UN Women</b>	United Nations Entity for Gender Equality and Empowerment of Women (Entidade Nasoens Unidas ba Igualdade Jéneru no Empoderamentu Feto)
<b>ZEESM</b>	Zona Especial de Economia Social de Mercado Timor-Leste-Oe-cusse







# I. INTRODUSAUN

## 1.1. Rezolusaun Konsellu Seguransa Nasoins Unidas (RKSNU) 1325 Feto, Pás no Seguransa

RKSNU 1325 kona-ba FPS hetan ona aprovasaun husi Konsellu Seguransa ONU iha lora 31 fulan Outubru tinan 2000. Ida ne'e nu'udar rezolusaun dahuluk husi Nasoins Unidas ne'ebé hare ba kestaun Feto, Pás no Seguransa. RKSNU 1325 realiza bazeia ba konvensaun internasionál sira hanesan CEDAW no plataforma asaun Pekin nian. Rezolusaun ne'e rekoñese impaktu ne'ebé a'at husi konflitu armadu ba feto no labarik-feto sira, liu-liu refujiadu sivil sira ne'ebé vulneravel nu'udar alvu ba militar/kombatente sira durante no depois konflitu. Hare ba importánsia husi rezolusaun ida ne'e maka KSNU husu ba membru ONU hotu atu adopta no implementa RKSNU 1325.

Sekretáriu-Jerál ONU, Kofi Annan justifika importansia ba RKSNU, iha tinan 2000 dehan:

*"Tanba Feto sira mak hatene diak liu konaba konflitu, needuni sira mak preparadu liu atu prevene ka rezolve konflitu duke mane sira. Horiuluk horik-wain, feto sira mak nu'udar edukadór ba dame nian ba sira-nia família no ba sira-nia sosiedade. Sira hatudu ona*

*katak sira instrumentál tebes atu hari'i ponte duke harii moru sira."*

RKSNU 1325 subliña importansia feto sira-nia papél iha prevensaun no rezolusaun konflitu, iha negosiasaun dame, hari'i dame, mantein dame no resposta umanitária sira, no mós importánsia husi feto sira-nia partisipasaun hanesan iha prosesu rekonstrusaun, manutensaun no promosaun ba pás no seguransa iha situaasaun pos-konflitu ba solusaun optimu, ekuitativu no sustentável sira. Needuni, RKSNU 1325 ezije tebes ba membru estadu sira ne'ebé iha konflitu atu foti medida espesial hodi fó protesasaun ba feto no labarik-feto sira husi violénsia bazeia ba jéneru, liuliu husi violasaun seksuál no forma violénsia seksuál sira seluk durante situaasaun funu no konflitu armadu.

Atu implementa RKSNU 1325, estadu membru sira tenke kumpre sira-nia obrigasaun no implementa sira-nia Planu Asaun Nasionál ba FPS tuir rezolusaun haruka. PAN nu'udar instrumentu polítika ida-ne'ebé importante ba governu sira atu artikula sira-nia prioridade no koordena implementasaun RKSNU 1325 iha nivel nasional no lokal. Ida ne'e tenke realiza ho kolaborasaun produtivu hamutuk ho sosiedade sivil atu asegura responsabilidade governu nian ba povu.



Foto UN Women Timor-Leste

## 1.2. Governu Timor-Leste nia kompromisu ba implementasaun Feto, Pás no Seguransa

GoTL hahú kedas iha tinan 2005 dezenvolve no implementa ona RKSNU 1325 hodi proteje direitu umanu sidadaun sira-nian, liuhusi implementa rekomendasaun sira husi Komisaun Lia-loos no Rekonsiliaun - CAVR (rekomendasaun husi Relatoriu Chega!). Ida ne'e spesífiku liu implementa ba grupu vulneravel sira hanesan feto no labarik sira iha Timor-Leste.

IX GoTL nafatin metin iha nia kompromisu ba implementasaun Ajenda FPS ne'ebé hahú iha 2016. Iha 26 Abril 2016, GoTL, liuhusi Konsellu Ministru (Governu Konstitusional VI) aprova no implementa Planu Asaun Nasionál dahuluk kona-ba RKSNU PAN 1325 ne'ebé nia implementasaun remata iha tinan 2020. Ho implementasaun ba faze dahuluk ne'e, Timor-Leste halo ona pasu importante sira hodi kumpre ninia obrigasaun sira nu'udar Estadu membru ONU hamutuk ho Estadu membru ONU 98 seluk (51%) ne'ebé adopta no implementa ona PAN sira hodi promove ajenda globál ba FPS.

Hafoin remata tiha períodu tinan lima dahuluk husi PAN 1325 ba tinan 2016-2020, Timor-Leste buka atu hametin ninia kompromisu atu hadi'a, hametin no habelar dezenvolvimentu no implementasaun PAN 1325 ba jersaun tuir mai. Tanba ne'e iha loron 11 Novembru 2021, iha selebrasaun aniversáriu da-21 RKSNU 1325 nian, Vise-Ministru Interiór ofisiálmente formaliza no inaugura ona estrutura implementasaun faze daruak PAN 1325. Ho lansamentu faze daruak ne'e, GoTL reitera ona ninia dedikasaun hodi implementa faze daruak ne'ebé sai hanesan inspirasaun fundamentál ba kompromisu polítiku

husi mandatu IV Governu ne'ebé hala'o husi Sekretariu Estadu ba Seguransa uluk nian liuhusi adopta Deklarasaun Delta Nova iha fulan-Marsu tinan 2014 iha Dili.

Hafoin hakat liu tiha kalamidade saude publiku bot Covid-19 ne'ebé afeta mundo tomak nomós mudansa Política iha governasaun maka IX Governu liuhusi Ministeriu Interiór iha komitmentu boot atu hahuu fali prosesu revizaun hodi implementa PAN 1325 daruak nee ho diak liu iha futuru.

Implementasaun ba PAN 1325 daruak ne'e mós hanesan oportunidade ida ba Timor-Leste atu kumpre ninia kompromisu ba dezenvolvimentu la'ós de'it ajenda FPS nian maibé mós atu kontribui ba ajenda globál hanesan ba Objetivu sira Dezenvolvimentu Sustentável nian (ODS) ne'ebé adopta ona iha 2015 liuliu kona-ba ODS 5 kona-ba promosaun igualdade jéneru no empoderamentu ba feto no labarik-feto sira. Dezenvolvimentu no implementasaun ba ajenda FPS nian estratézikamente halo hodii aliña ho ajenda ODS nian.

Tanba ne'e atu aselera progresu ne'e hanesan ho Planu Estratéjiku Dezenvolvimentu Nasionál no Ajenda ODS tinan 2030 nian, IX GoTL estabese ona planu ida-ne'ebé rekoñese igualdade jéneru no empoderamentu feto sira-nian hanesan prioridade xave ba ninia ajenda dezenvolvimentu. Implementasaun ba ajenda dahuluk FPS nian hatudu ona rezultadu oiain inklui ba governu Timor-Leste hodi fó prioridade ba hadi'a partisipasaun feto sira-nian iha vida política no habelar oportunidade ba partisipasaun feto ne'ebé signifikativu iha forsa seguransa. Por ezeplu, agora daudaun feto sira representa 15% husi forsa polísia no 9% husi forsa armada.



Foto UN Women Timor-Leste



## II. KOMPROMISU GOVERNUN TIMOR-LESTE NIAN BA FAZE DARUAK PAN 1325

PAN 1325 (2024-2028) hanesan reflesaun lo'os ida husi esperiénsia povu Timor-Leste nian ne'ebé sei moris ho trauma boot husi tinan barak konfliktu nian. Ida ne'e loke dalan ba dezenvolvimentu norma no ambiente sira ne'ebé fo korajen hodi hamosu konfliktu no violénsia iha nivel comunidade no familia. Ezemplu, númeru kazu violénsia doméstika iha Timor-Leste nafatin a'as. GoTL rekoñese ameasa violénsia doméstika ne'e no kontinua rezolve problema hodi kriminaliza violénsia doméstika sai krime publiku. Bainhira lei ne'e implementa tiha, governu simu ona keixa barak. No ho estratezia polisiamentu ne'ebé sensível ba jéneru, governu hola inisiativa atu fornese treinamentu espeisial hodi sensibiliza polisia kona-ba oinsá atu responde ba kazu violénsia doméstika. Governu mós estabelese facilidade protesaun iha nasaun laran tomak, kolabora ativamente ho sociedade sivil no organizaun naun-governamentál sira.

PAN 1325 (2024-2028) ninia objetivu mak atu hadi'a no foti husi esperiénsia faze dahuluk: implementasaun faze dahuluk hatudu efikásia iha hakbi'it fetu sira ho instrumentu relevante sira ba mekanizmu promosaun rezolusaun la-hó violénsia. Rekoñese kontribuisaun importante husi fetu luta na'in sira no veteranu sira nia luta ba independénsia, PAN 1325 (2024-2028) fó dalan ba fetu hotu-hotu atu goja sira-nia direitu iguál ba justisa, rekoñesimentu no liberdade husi diskriminasaun.

Tanba ne'e, PAN 1325 kontinua habelar perfíl papél fetu nian iha prosesu foti desizaun, iha setór seguransa no setór justisa iha nível governasaun hotu-hotu, tanba fatór hirak-ne'e sai hanesan fatór esensial ida-ne'ebé efetivu liu iha rekuperasaun sustentável iha prosesu hari'i dame.

Nune'e mós, IX GoTL kontinua reforsa ninia kompromisu atu dezenvolve faze daruak PAN 1325 ho estrutura implementasaun ida-ne'ebé representativu no inkluzivu. Iha faze daruak (2024-2028) ne'e sei habelar liutan hodi inklui mós instituisaun governu no organizaun sociedade sivil sira ne'ebé seidak partispera iha faze dahuluk PAN ka barak liu karik la eziste iha tempu ne'ebá.

Dezenvolvimentu faze daruak PAN 1325 ne'e prosesu partispera no inkluzivu ida ne'ebé hala'o liuhusi atividade lubuk ida-ne'ebé ho objetivu atu hadi'a, hametin no habelar objetivu dahuluk nian. Iha faze daruak ne'e, hala'o tiha ona prosesu konsulta internu no esterna sira hodi halibur informasaun atu hadi'a, haforsa no haluan liutan agenda FPS 1325 iha faze daruak ne'e. Prosesu konsultasaun ne'e identifika ona lisaun oioin ne'ebé aprende no dezafiu sira ne'ebé prezisa atu rezolve hodi mobiliza apoiu no partisperasaun husi instituisaun relevante sira, hanesan governu no sociedade sivil, inklui organizaun fetu no grupu vulneravel no marjinalizadu sira.

Prosesu dezenvolvimentu faze daruak ne'e hakat tuir atividade importante sira nu'udar rekizitu ba avaliasaun faze dahuluk PAN nian. Atividade hirak-ne'e hala'o hahu husi Setembru 2021 too 2023. Importante atu subliña katak prosesu konsulta ne'e hetan limitasaun tanba pandemia Covid-19. Tanba ne'e maka tenke halo ajustamentu hodi responde ba realidade ne'ebé hasoru. Esbosu dahuluk husi Projeitu daruak PAN 1325 ne'e hakerek bazeia ba dadus ne'ebé hetan husi konsulta hirak ne'e.

Prosesu ne'e lidera husi Ministériu Interiór ho asisténsia finanseira husi parseiru dezenvolvimentu Timor-Leste nian, no asisténsia téknika husi UN Women nu'udar parseiru ida-ne'ebé tulun ona GoTL dezde faze dahuluk PAN nian to'o agora. Prosesu dezenvolvimentu ba daruak PAN 1325 ne'e kaptura ona iha figura 01 iha kraik.



Foto UN Women Timor-Leste

**Setembru 2021:**

Konsulta ho Liña Ministériu sira atu avalia progresu no halo revizaun ba PAN 1325 (2016 - 2020)



Foto UN Women Timor-Leste

**Outobru - Novembru 2021**

Konsulta internál no avaliasaun ba rezultadu servisu no revizaun ba planu desenvolvimentu ba faze daruak PAN 1325

**Novembru 2021:**

Lansamentu Ofisiál ba Estrutura Desenvolvimentu nian iha faze daruak PAN 1325 (2022-2026).

Prosesu hakerek esbosu PAN 1325 hahú



Foto Ministériu Interiór

**Novembru - Dezembru 2021:**

Konsulta iha munisípiu no RAEOA atu avalia progresu no revizaun ba PAN 1325 (2016 - 2020)



Foto Ministériu Interiór

**Janeiru-Marsu 2022:**

Validasaun ba esbosu faze daruak PAN 1325

**Abril 2023:**

Submisaun esbosu ba Konsellu Ministru



Foto DNPKK

**Juñu-Setembru 2023:**

Revizaun PAN 1325 II

**Outubru 2023 - Janeiru 2024:**

Submisaun final ba Konsellu Ministru no aprovasaun



## Konsulta ho liña ministériu sira iha Dili

Atu maximiza kontribuisaun ba PAN 1325, grupu servisu hala'o ona konsulta ho entidade implementador sira husi GoTL iha faze dahuluk PAN 1325. Konsulta ho liña ministériu sira hahú iha loraon 6 fulan-setembru to'o loraon 27 fulan-s\ Setembru tinan 2021. Konsulta ne'e hala'o ho instituisaun relevante sira iha Ministériu 15 hanesan: ME, MJ, SEACLN, MSSI, MNEC, MJDAC, F-FDTL, MAE, CNC, MD, MS, PDHJ, SEI, PNTL no Ministériu Interiór. Husi lista ne'e, identifika ona instituisaun implementador foun balun ba faze daruak PAN 1325 nian, inklui MAE, CNC, MACLN, PDHJ, DNGRD-SEPC-MI.

Grupú servisu ba konsulta ne'e representa estrutura desenvolvimentu faze daruak PAN 1325 inklui sosiedade sivíl. Ekipa ne'ebé partisipa iha atividade konsulta ho liña ministériu sira inklui:

PDHJ, CNC, MJDAC, ACbit, Rede Feto Sekretariadu, Asosiasaun HAK, Fundasaun Alola, ONG Belun no ALFeLa.

## Konsulta iha Munisípiu sira

Prosesu konsulta iha munisípiu sira hala'o liuhusi sorumutu ho grupu alvu sira iha munisípiu ida-idak, no hala'o husi 21 Novembru to'o 10 Dezembru 2021. Konsulta hirak ne'e kobre munisípiu Ainaro, Covalima, Aileu, Manufahi, Ermera, Viqueque, Manatuto, Lautem, Baucau, Maliana no Liquiça. Ba RAEOA, konsulta oin ho oin la bele hala'o tanba transporte aereu ne'ebé limitadu, nomós tanba iha alerta ba situaun klimatiku ne'ebé la favoravel iha área ne'e. Konsulta ho RAEOA liuhusi sorumutu zoom ne'ebé partisipa husi representante na'in 15 (ho representante feto na'in neen no mane na'in sia) husi instituisaun nasional sira hanesan MACLN, DNGRD, DNPCC, Bombeiru, no organizaun sosiedade sivíl sira inklui JSMP, Uma Pás Oekusse no Sentru Juventude Oekusse.

Ho propóziú atu aseguira katak prosesu konsulta ne'e auténtiku no hetan autorizasaun, ekipa servisu hala'o konsulta tuir medida sira tuir mai ne'e:

1. Molok hala'o konsulta iha munisípiu, ekipa hato'o uluk pedidu autorizasaun ba liña ministériu no instituisaun relevante sira

ne'ebé envolve iha grupu traballu PAN 1325 no sira-nia membru sira mós envolve iha ekipa konsulta munisípiu nian;

2. Hafoin konsulta ho UN Women, ekipa koordena ho representante sira husi DNPCK iha munisípiu 11 no RAEOA;
3. Ekipa fahe kna'ar ba membru grupu servisu husi instituisaun governu ne'ebé envolve iha ekipa konsultasaun, hanesan SEPC-MI, MNEC, MACLN, ME, MD, F-FDTL, CNC, PNTL, MJDAC. Husi sosiedade sivíl hanesan: A. HAK, Fokupers, Belun, ALFeLa, APSCTL;
4. Molok ekipa halo konsulta, ekipa husi Sekretariadu PAN 1325 (SEC) hato'o informasaun ba ekipa ne'ebé atu halo konsulta no esplika kona-ba sira-nia kna'ar durante prosesu konsulta, inklui: apresenta PAN 1325 no nia prosesu desenvolvimentu faze daruak, hakerek relatóriu, halo dokumentasaun.
5. Ekipa ezejuta Ajenda Konsulta tuir sekuénsia tuirmai ne'e:
  - Hato'o Benvindu no mensajen husi MI/SEPC/DNPCK/administrador munisípiu ka sira-nia representante sira.
  - Ekipa fasilitador nasional halo apresentasaun kona-ba RKSNU 1325 no PAN 1325
  - Hato'o kona-ba prosesu desenvolvimentu ba faze daruak husi PAN 1325
  - Halo diskusaun grupu atu halo revizaun ba atividade no apresentasaun ba kada pilár
  - Partisipante sira hato'o rekomendasaun eskrita kona-ba sira-nia preokupasaun (se sira la konsege apresenta iha diskusaun grupu).
  - Hakotu konsulta, hato'o rekoñesimentu no mensajen husi Autoridade Lokál.
6. Hafoin kompleta ho susesu pasu hirak temi iha leten, ekipa prepara relatóriu kona-ba rezultadu konsulta ne'e no haruka ba Sekretariadu PAN 1325..

### III. APRENDE HUSI IMPLEMENTASAUN FAZE DAHULUK PAN 1325

#### DEZAFIU NO OPORTUNIDADE

Liuhusi prosesu konsultasaun, grupu servisu bele hatene katak liña ministériu hotu-hotu nafatin iha kompromisu ba ajenda FPS nian no ba faze daruak PAN 1325, tuir sira-nia papél/kompeténsia. Partisipante sira rekoñese katak prosesu ne'e fo biban/oportunidade ida ne'ebé relevante atu diskute kle'an kona-ba atividade sira iha PAN 1325 ne'ebé aliña ho papél institusionál sira. Partisipante sira mós fó informasaun kona-ba nesesidade atu halo ajustamentu nesesáriu ba atividade sira ne'ebé la relevante ho papél instituisaun relevante sira-nian no tanba ne'e tenke halo revizaun iha faze daruak PAN 1325.

Iha parte seluk, konsulta sira ne'e fó dalan ba ekipa atu komprende mudansa sistemátika no sadik/dezafiu sira ne'ebé hasoru durante implementasaun PAN 1325. Ida-ne'e hamosu mudansa programátiku iha instituisaun sira nia laran, ne'ebé bele halo koordenasaun di'ak liu iha faze daruak PAN 1325 ne'e. Porezemplu, molok tinan 2018, atividade sira ne'ebé relasiona ho kombatente sira fó ona ba MSSJ no agora hari'i ona Ministériu ida-ne'ebé foka liu ba kestaun kombatente sira-nian, hanaran Ministériu kombatente no Libertasaun Nasionál. To'o ohin loron, Diresaun Nasionál Jestaun Risku Dezastre, ne'ebé uluk iha MSSJ nia okos, muda tiha ona iha SEPC/Ministru Interiór nia okos. Durante Governu VIII, MSSJ halo ona mudansa signifíkativu iha nia estrutura orgánika hodi hasai tiha Departamentu Hari'i Pás hodi evita duplikasaun iha funsionamentu. Nune'e mós, instituisaun sira ne'ebé foin estabesele inklui ona hanesan ajénsia implementadór ba PAN 1325 (2024-2028), inklui CNC, SEACLN no MACLN.

Aspetu pozitivu ida husi faze dahuluk implementasaun PAN 1325 nian mak liña Ministériu sira ne'ebé envolve iha ona kapasidade atu hatene sira-nia an ho integrasaun PAN 1325 iha Planu Asaun Anuál (PAA) relasiona ho alokasaun orsamentál, implementasaun no monitorizasaun ba ninia rezultadu sira. Liutan ne'e, konsidera katak falta rekursu umanu, hanesan apoiu tékniku, afeta efikásia servisu. Mudansa estruturál iha Governu mós afeta ambiente servisu. Liutan ne'e, mudansa hirak-ne'e kontribui ba limitasaun iha disponibilidade rekursu umanu sira ne'ebé antes ne'e asume papél, ne'e labele kompara ho sira ne'ebé substitui. Porezemplu, papél ME nian iha Matrix PAN 1325 uluk nian mak atu dezenvolve

kurríkulu. Maibe, ho mudansa ida-ne'e kontratu ba ekipa kurríkulu remata ona no servisu la kontinua. Importante liu, mudansa estruturál sira iha instituisaun sira-nia laran rezulta lakon informasaun tanba iha pontu fokál uluk ema sira la transfere informasaun ba sira-nia omologu foun.

Jeralmente, parte hotu ne'ebé iha konsulta konkorda katak situasaun polítika interna (Orsamentu Duodesimal no Envelope Fiskál) no pandemia Covid-19 fo impaktu negativu boot ba implementasaun PAN 1325. Pandemia globál Covid-19 obriga Governu atu muda ninia foku no fó prioridade ba resposta sira atu hapara emerjénsia saúde públika.

Espesifikamente, partisipante sira hato'o rekomendasaun sira ne'ebé presiza inkorpora iha faze daruak PAN 1325:

- Halo advokásia ne'ebé kontinua no konsistente iha nivel hotu-hotu governu nian kona-ba importánsia husi implementasaun PAN 1325 nian. Elabora asuntu jéneru iha área hotu-hotu nu'udar estratezia importante atu inkorpora debate jéneru iha instituisaun oin-oin atu nune'e kestaun sira ne'ebé relasiona ho dezigualdade bele internaliza iha eskalaun governasaun hotu-hotu. Iha kontestu Timor-Leste nian, elaborasaun jéneru entre ministériu sira no interasaun entre parseiru sira sei hametin liuhusi evita lakuna sira iha ezekusaun Planu Asaun nian. Tuirmai mak sujestaun balu kona-ba elabora asuntu jéneru hodi bele loke dalan ba implementa PAN 1325 (Faze 1):
  - A. Halo advokásia ba fundu asisténsia sosiál atu inklui apoiu ba fetu no labarik-fetu sira no mós organizasaun fetu sira-nian iha sira-nia inisiativa sosiál no ekonómika ne'ebé ho objetivu atu integra sira ba comunidade.
  - B. Harii sentru reabilitasaun, reparasaun, asisténsia no reintegrasaun ba vítima abuzu seksuál no violénsia bazeia ba jéneru husi perspetiva jéneru;
  - C. Loke asesu ba edukasaun no saúde ba fetu no labarik-fetu sira ne'ebé afetadu husi trauma pos-konflitu
  - D. Kriasaun grupu servisu multi-setoriál ba implementasaun no monitorizasaun

kompromisu sira kona-ba feto, pás no seguransa

- E. Hasa'e kapasidade pesoál sira iha setór xave sira kona-ba asuntu feto, pás no seguransa;
- Sekretariadu PAN 1325 ho estrutura implementasaun PAN 1325 tenke hala'o sorumutu anuál regulár ho ofisiál sira husi kada LM hodi analiza progresu no dezafiu sira husi implementasaun PAN 1325 nian. Tenke halo esforsu ida atu envolve parte-interesada no influensiadór hotu-hotu inklui membru sira husi média, comunidade relijioza sira, setór polítiku, setór seguransa, ajénsia ONU, organizaun asisténsia umanitária, doadór internasionál sira, sociedade sivíl ba diálogu multilaterál no multi-setoriál kona-ba métodu sira hodi integra no maximiza partisipasaun feto iha eskritóriu públiku no polítiku.
- Presiza atu atualiza mudansa estruturál sira iha instituisaun sira-nia laran hodi buka solusaun ho lalais. Aprende husi husi lisaun sira husi PAN 1325 (Faze I), parseria ne'ebé forte entre Governu no Organizaun Sociedade Sivíl sira identifika ona hanesan prátika ida di'ak liu. Hodi haree ba ida-ne'e, maka pontus hira tuir mai ne'e tenke hetan atensaun iha PAN 1325 (2024-2028):
  - A. Kriasaun ambiente servisu ida kondusivu ida-ne'ebé facilita servisu entre atór relevante hotu-hotu husi governu no sociedade sivíl.
  - B. Aumenta koñesimentu no konsiénsia kona-ba prosesu dezenvolvimentu RKSNU 1325 no PAN 1325 (Faze II) hodi hasa'e akontabilidade no transparénsia.
  - C. Halo rekrutamentu ba peritu nasional no internasionál.
  - D. Hari'i kapasidade Komisaun Dezenvolvimentu kona-ba koñesimentu no instrumentu sira ne'ebé presiza atu dezenvolve impaktu aas ba PAN 1325 (2024-2028).
  - E. Partisipasaun luan husi parte interesada sira iha rejiun hotu-hotu iha nasaun ne'e atu informa no halo validasaun ba konteúdu PAN 1325 (2024-2028).
  - F. Habelar Envolvimentu no partisipasaun iha elaborasaun PAN 1325 (2024-2028).
- Kontinua fahe informasaun kona-ba Ajenda FPS nian tanba konsiénsia públiku nia konesimentu kona-ba PAN 1325 sei menus.

Iha sujestaun ba GoTL dezenvolve estratéjia komunikasaun hanesan tuir mai ne'e:

- A. Hadi'ak komprensaun públiku kona-ba FPS nia importánsia;
- B. Hadi'ak visibilidade ba atividade no progresu relaciona ho FPS;
- C. Hadi'ak ema nia atitude ba feto sira-nia prezensa iha dame no setór seguransa iha Timor-Leste, inklui apoiu ativu ba feto sira ne'ebé mak iha buka karreira iha área sira-ne'e; no
- D. Hasa'e konsiénsia boot liután ba feto sira nu'udar benefisiáriu no ajente ba ajenda FPS nian.
- Liña ministériu sira tenke asegura alokasaun orsamentál ne'ebé adekua ba implementasaun PAN 1325.
- Governu presiza estabese mekanizmu entrega servisu ida-ne'ebé eficiente relaciona ho transferensia mandatu servisu nian hodi bele mantein continuidade servisu no labele impede rezultadu ne'ebé efikas.
- UN Women ninia apoiu ba dezenvolve faze dahuluk PAN 1325 no PNTL ninia Estratéjia Jéneru ne'e importante tebes atu implementa ho susesu faze daruak.
- Organizaun feto sira iha nivel nasional no lokal, presiza atu akompaña kazu sira ne'ebé relaciona ho infantisidiu
- GoTL tenke haka'as an atu hametin feto sira-nia ekonomia, liuhusi política sira ne'ebé orienta ba hasa'e feto sira-nia rendimentu no GoTL tenke estabese grupu sira ba efeitu ida-ne'e iha nivel Aldeia, Suku no munisípiu.
- GoTL, hamutuk ho parte-interesada no relevante sira seluk, tenke hamosu objetivu atu kria oportunidade servisu ba feto sira atu minimiza violénsia doméstika.
- Bazeia ba apoiu husi UN Women ne'ebé hetan ona susesu iha monitorizasaun ba grupu FPS ne'ebé forma ona iha munisípiu Baucau liuhusi faze dahuluk husi programa PAN 1325, needuni husu ba UN Women atu nafatin envolve iha faze daruak ne'e. Aleinde ne'e, husu mós ba feto sira husi UN Women atu fó oportunidade ba fasilitadór sira iha nivel munisípiu atu tuir formasaun TOT hodi partisipa iha aprendizajen kona-ba PAN 1325 iha nivel munisípiu
- Rekomenda ba GoTL atu aloka fundu ba atividade kiativu sira, hanesan dezenvolvimentu abilidade ba foin-sa'e sira ne'ebé hetan impaktu husi konflitu no violénsia. Se la hetan resposta lalais

ba lakuna krítiku ne'e bele fo impaktu ba ekonomia nasionál ba tempu naruk ne'ebé bele sai hanesan impaktu boot atu optimiza alokasaun rekursu ba prosesu dame. Rekursu hirak-ne'e tenke jere no mobiliza; rekursu hirak-ne'e tenke monitoriza liuhusi planu M&E ne'ebé elaboradu ho didi'ak ne'ebé sei elabora tuir estrutura interna. Ida ne'e bele halo de'it liuhusi komisaun ketak ida-ne'ebé jere orsamentu ne'e; ho pesoál sira ne'ebé rekizitu atu fornese apoiu administrativu, apoiu lojístiku no operasionál sira.

- Governu tenke aselera prosesu ba lei sira ne'ebé KRAM implementa hodi estabese lalais liu, ka reativa organizasaun arte marsiais hotu-hotu atu nune'e sira bele kontrola sira-nia membru hotu hodi prevene konfliktu entre sira
- GoTL bele konsidera fó apoiu ki'ik ba grupu fetu sira ba atividade sira ne'ebé relaciona ho pás no estabilidade. GoTL mós bele konsidera fó apoiu ki'ik ba grupu foin-sa'e sira atu implementa atividade sira ne'ebé relaciona ho iniciativa sira ba pás no dezenvolve lei Tara Bandu.
- Setor justisa nu'udar parseiru integradu ida hodi apoia Timor-Leste nia esforsu nasionál sira atu aselera mudansa lalais no hari'i espasu ida-ne'ebé kondusivu ba relatóriu violénsia bazeia ba jéneru (VBJ). Maibe ida-ne'e sei depende ba norma sira ne'ebé evolve hodi simu fetu sira ne'ebé okupa pozisaun sira ne'ebé iha significasaun sosio-Polítika. Diskriminasaun jéneru iha servisu-fatin dala barak sai hanesan rezultadu husi hahalok-aaat ne'ebé mai husi jersaun ba jersaun. Treinamentu sensitasaun jéneru bele ajuda

prosesu atu kria fatin servisu ne'ebé inkluzivu. Halo kurríkulu sensitizasaun jéneru ida iha fatin ne'e lori ita besik liu ba sistema responsivu ba jéneru ne'ebé sei kumpre promesa ba igualdade substantivu. Mudansa iha lei tenke akompaña ho medida sira atu hasa'e konsiénsia kona-ba fetu sira-nia direitu ba autonómia no integridade fízika - asuntu sira ne'ebé importante ba Treinamentu Sensível ba Jéneru (TSJ). Atu halo nune'e, importante tebes atu ita integra perspetiva jéneru iha prosesu reforma sira hahú kedas no iha prosesu hotu. Kestaun ne'ebé mosu daudaun ba TSJ mak mosu konfuzaun kona-ba se mak hanesan benefisiáriu sira husi treinamentu ne'e. Ida ne'e bele atribui ba faktu katak la iha benefisiáriu ida-ne'ebé bele identifika maibe sistema ida-ne'ebé benefisia husi treinamentu ne'e, inklui mós juis, prokuradór, profesionál legál no pesoál polísia sira.

- Propoin ba GoTL atu dezenvolve "Planu Asaun Nasionál" ida-ne'ebé armoniza prinsípiu sira CEDAW nian ho PAN 1325 (2024-2028). Dokumentu kona-ba Avaliasaun Kontribuisaun husi UN Women ba Implementasaun Planu Asaun Nasionál Timor-Leste nian kona-ba RKSNU 1325 (2016-2020) subliña mandatu ida-ne'e hodi konsolida dokumentu konsolidadu ida-ne'ebé subliña lakuna sira iha implementasaun obligasaun sira ne'ebé relaciona ho CEDAW Timor-Leste nian. Enkuantu Timor-Leste asina ona CEDAW, kompromisu sira ne'ebé la'ós obligasaun sira tuir mai ne'e prezisa atu rezolve dezigualdade jéneru no implementasaun direitu fetu nian iha ambiente pos-konfliktu.



## IV. REAFIRMA TIMOR-LESTE NIA KOMPROMISU BA IMPLEMENTASAUN FAZE DARUAK BA AJENDA FETO, PÁS NO SEGURANSA IHA TIMOR-LESTE

Hodi konsidera rekomendasaun sira husi konsulta sira iha nivel nasionál no munisípiu, presiza hametin fali kompromisu GoTL nian ba implementasaun faze daruak husi Ajenda FPS. PAN daruak 1325 dezenvolve bazeia ba rezultadu avaliasaun ba faze dahuluk nian nu'udar base ba dezenvolvimentu ba faze daruak ne'e ho nia objetivu mak atu halo revizaun ba faze dahuluk PAN 1325 nian liuhusi prosesu Hadi'a, Hametin no Habelar progresu ne'ebé hetan ona iha faze dahuluk. Implementasaun ba faze daruak PAN 1325 ne'e foka liu ba pilár haat no ninia objetivu mak atu alkansa objetivu no estratéjia sira hanesan tuir tuir mai.

### 1. Pilár Partisipasaun

- Hasa'e no promove partisipasaun kompletu, iguál no significativu feto sira-nian iha instituisaun nasionál sira iha área hotu-hotu inklui seguransa, defeza no justisa no asaun umanitária sira
- Hasa'e partisipasaun no representasaun feto sira-nian iha sira-nia diversidade hotu-hotu

iha lideransa no pozisaun foti desizaun iha setór seguransa, defeza no justisa iha nivel lokál no nasionál sira, inklui organizasaun sociedade sivíl sira.

- Hadi'a no hametin pilár Partisipasaun liuhusi promove 30% husi partisipasaun ne'ebé hanesan, significativu no ativu husi feto sira iha kna'ar foti desizaun iha setór governasaun, pás no seguransa no asaun umanitária sira.
- Halo revizaun no asegura katak perspetiva jéneru sira-ne'e integra iha lei, polítika no programa sira kona-ba pás no seguransa no asaun umanitária sira, no asegura dezenvolvimentu no implementasaun husi perspetiva sira-ne'e ho partisipasaun másimu husi parte interesada hotu-hotu, inklui feto sira husi background oioin, inklui feto sira ho defisiénsia no sobrevivente violénsia iha konflitu.
- Haforsa mekanizmu rezolusaun konflitu komunitáriu no promove lideransa lokál sira, no fo oportunidade no apoiu ba feto sira ne'ebé partisipa iha prevensaun no rezolusaun konflitu komunitáriu hanesan



mediadór no pontu fokál lokál sira ba hari'i dame no seguransa.

- Responde ba obstáku estruktural sira, prátika diskriminatóriuno lakuna kapasidade ne'ebé taka dalan ba fetu sira-nia partisipasaun no lideransa iha asaun umanitária sira.
- Habelar lian, ajénsia no lideransa organizaun sira ne'ebé lidera husi fetu ho atensaun ba sira-nia kapasidade no reziliensia iha asaun umanitária sira iha kontestu dezastre no konfliktu, no iha prosesu rekonstrusaun no rekuperasaun.

## 2. Pilár Prevensaun

- Integra jéneru iha kurríkulu formasaun ba sentru formasaun forsa seguransa no defeza, protesaun sivíl no instituisaun justisa.
- Hadi'a no hametin prevensaun liuhusi promove sistema prevensaun konfliktu violentu ho atensaun espesial ba violénsia bazeia ba jéneru (VBJ).
- Haforsa mekanizmu prevensaun no rezolusaun konfliktu ne'ebé responde ba jéneru, ne'ebé konsidera fetu no labarik-fetu sira-nia nesiedade no esperiénsia.
- Promove kultura ida kona-ba pás no prevensaun no rezolusaun konfliktu iha comunidade lokál, rekoñese no promove partisipasaun no lideransa fetu sira-nian.
- Halo revizaun no asegura katak lei no política sira kona-ba konfliktu ne'e sensível ba jéneru.
- Hadi'a no hasa'e kapasidade média sira-nian atu sai sensível ba jéneru hodi hala'o sira-nia kna'ar no ho perspetiva prevensaun konfliktu.
- Dezenvolve no hala'o kampaña komunikaun sosiál kona-ba partisipasaun signifikante husi fetu sira iha kna'ar lideransa no foti desizaun.
- Halo peskiza no dokumentasaun kona-ba fetu sira-nia esperiénsia iha lideransa.
- Halo revizaun, alterasaun no revogaun ba lei hotu-hotu ne'ebé prejudika fetu sira-nia partisipasaun iha foti desizaun.

## 3. Pilár Protesaun

- Asegura protesaun ba fetu sira husi violénsia oiain.
- Hadi'a no hametin pilár Protesaun liuhusi fo protesaun no asegura resposta institusional ne'ebé responde ba jéneru ba konfliktu

violentu no violénsia bazeia ba jéneru iha situasaun konfliktu.

- Asegura protesaun ba fetu sira defensór direitus umanus no organizaun sosiedade sivíl sira ne'ebé halo advokásia ba fetu sira-nia direitu iha konfliktu no kontextu krize.
- Asegura assisténsia saúde, psikolójiku no sosiál ne'ebé asesivel ba sobreviventes violénsia iha situasaun konfliktu.
- Apoiu emerjénsia umanitária no apoiu sosiál ba sobrevivente violénsia sira
- Fornese ambiente ida-ne'ebé fasilita fetu sira atu hetan asesu ba justisa (formál no komunitáriu).
- Haforsa sistema justisa formál atu sai sensível ba jéneru ho adekuaudu no implementa lei sira ne'ebé relasiona ho igualdade jéneru iha maneira hanesan ka interpretasaun.
- Haforsa mekanizmu justisa komunitária no rezolusaun disputa alternativu.
- Asegura katak fetu sira bele hetan konsulta no participa ativu iha defezu, implementasaun, no avaliaun ba programa hari'i dame no rekuperasaun.
- Habelar liutan ámbitu asesu ba sidadaun no autór seguransa sira ba fasilidade teste HIV/ SIDA no STI iha munisípiu sira.

## 4. Pilár Hari'i Pás

- Asegura apoiu ba fetu sira iha asesu ba rai, bee moos no rekursu sira ne'ebé importante tebes atu sustenta sira-nia moris hodi garante pás no seguransa.
- Hadi'a no hametin pilár Hari'i Pás liuhusi reforsa prosesu pás liuhusi setór justisa no planeamentu pos-konfliktu.
- Dezenvolve fetu sira-nia kapasidade no promove fetu sira-nia partisipasaun iha papél oiain iha prosesu hari'i dame no rezolve konfliktu iha nivel comunidade.
- Dezenvolve política no medida nasional sira hodi implementa rekomendasaun no provizaun sira husi Komisaun Akollimento, Verdade no Rekonsiliaun (CAVR) no Komisaun Verdade no Amizade (CVA) Timor-Leste nian relasiona ho direitu fetu no labarik-fetu sira-nian.
- Halo revizaun no diskute política nasional sira hodi promove asesu ba justisa ba sobrevivente violénsia sira iha konfliktu pasadu nian no rekoñese fetu sira ne'ebé eis-kombatente no veteranu sira ba sira-nia kontribuisaun ba hari'i dame.



## **V. HAMETIN PARSERIA HO SOSIEDADE SIVÍL IHA PROESU DEZENVOLVIMENTSU PAN 1325 (2024-2028)**

---

Organizasaun Sosiedade Sivil sira kontinua asume papél importante iha dezenvolvimentu no implementasaun Ajenda Feto, Pás no Seguransa iha Timor-Leste, iha PAN 1325 faze dahuluk no daruak nian.

Presiza rekoñese katak Organizasaun Sosiedade Sivil ka ONG sira, liu-liu organizasaun sira ne'ebé lidera husi feto no peritu ba igualdade jéneru, iha ligasaun vital ho comunidade lokál sira, grupu servisu hala'o konsulta kle'an ho organizasaun sira ne'e. Hanesan ezemplu, iha 9 Dezembru 2021, iha Salao Marfim, Fokupers - Farol, Dili, organiza sorumutu konsulta ida ne'ebé partisipa husi representante na'in neen husi ONG sanulu-resin-ida hanesan Fokupers, ACbit, Belun, Rede Feto, Belun no APSCTL no programa husi AJAR. Husi konsulta ne'e, rezultadu no kontribuisaun husi ONG sira aprezena ona hanesan deskreve ona iha Aneksu 02.

GoTL hatene katak parseria sinerjista entre OJE no governu bele kontribui ba implementasaun efetiva husi faze daruak.







Foto Ministériu Interiór

## **VI. MEKANIZMU IMPLEMENTASAUN NO AVALIASAUN BA PAN 1325 (2024-2028)**

---

Atu asegura implementasaun efetiva hodi atinji ninia objetivu sira, PAN 1325 (2024-2028) estabelese ona mekanizmu ida hodi monitoriza no trasa-tutuir progresu husi implementasaun PAN 1325. Mekanizmu ne'e estabelese hamutuk ho nia komponente sira, ho kna'ar atu implementa no avalia efisiénsia prosesu sira. Mekanizmu ne'e kompostu husi komponente relevante sira ne'ebé reprezenta instituisaun sira ne'ebé envolve iha estrutura dezvoltamentu PAN (2024-2028) no

atór implementadór sira husi liña ministériu no sociedade sivil sira. Estrutura PAN 1325 ne'ebé envolve mak hanesan tuir mai ne'e: Ministériu Interiór, Komité Diretiva, Grupu Traballu bazeia ba pilár 4 husi PAN 1325 no Ekpa Monitorizasaun ho apoiu husi Sekretariadu PAN 1325 nian. Estrutura no papél mekanizmu implementasaun PAN 1325 (2024-2028) nian bele hare iha Aneksu 03: MEKANIZMU BA IMPLEMENTASAUN NO MONITORIZASAUN PAN RKSNU 1325 KONA-BA FETO, PÁS NO SEGURANSA (2024-2028).





Foto UN Women Timor-Leste

## **VII. MATRIX PLANU ASAUN NASIONÁL (PAN) BA FETO, PÁS NO SEGURANSA (2024 - 2028)**

---

Matrix PAN 1325 ne'e dezeña ho kuidadu hodi reafirma GoTL nia kompromisu ne'ebé metin hodi implementa FPS ba tinan lima oin mai (2024-2028). Matrix PAN kona-ba FPS (2024-2028) inkorpora ona perspetiva multi-dimensionál husi parte-interesada hotu-hotu husi governu, sosiedade sivil no mós parseiru sira seluk.

Ida ne'e serve hanesan matadalan importante ida-ne'ebé hatudu objetivu, atividade sira ne'ebé planeia ona, prazu no papél husi autór implementador sira. Matrix ba PAN 1325 (2024-2028) bele hetan iha Aneksu 01.



ANEKSU 01:

**PLANU ASAUN NASIONÁL 1325  
KONSELLU SEGURANSA NASOINS UNIDAS  
FETO, PÁS NO SEGURANSA (2000)  
TIMOR-LESTE (2024 -2028)  
PLANU SERVISU**



PILÁR I - PARTISIPASAUN

Objetivu: Hadi'ak, hametin no habelar partisipasaun hanesan no ativu feto sira-nian iha prosesu foti desizaun relasiona ho governasaun, pás no seguransa

Rezultadu	Atividade Espezifiku	Indikadór dezempeñu	Tinan Implementasaun				Instituisaun Lidera
			2024	2025	2026	2027	
1.1. Aumenta Representasaun husi feto eleitu ka nomeadu ba papéi iha nivel fotei desizaun iha Setór seguransa no justisa iha nivel lokal no nasionál sira	1.1.1. Treinamentu Lideransa atu hametin kapasidade ne'ebé feto kandidatu sira preziza ba eleisaun nasionál no lokal molok no depois eleisaun.	# no % porsentu husi feto sira ne'ebé partisipa iha Formasaun Lideransa iha nivel nasionál to'o nivel Suku	x	x	x	x	x
	1.1.2. Halo advokasia no aprosimasaun ba dezenvolve kritériu sira ba promosaun igualdade jéneru nu'udar pre-rekizitu ba nomeasaun feto ba governasaun, pozisaun seniór no lideransa komunidadade.	# no % husi feto sira ne'ebé eleitu ba pozisaun seniór sira iha governasaun lokal no nasionál aumenta: <ul style="list-style-type: none"> <li>Xefe Aldeia</li> <li>Xefe Suku</li> <li>Postu Administrativu</li> <li>Munisipiú</li> </ul>	x	x	x	x	x
	1.1.3. Dezenvolve Padraun no Módulu formasaun integradu sira ba promosaun partisipasaun feto iha eleisaun governasaun lokal no Nasionál.	# no% husi feto sira ne'ebé eleitu ba parlamentu mantein ka aumenta.  # no % husi feto sira ne'ebé iha pozisaun seniór sira aumenta iha instituisaun públika sira.	x	x	x	x	x
1.2. Lei, Política no Programa sira kona-ba pás no seguransa dezenvolve ona ho partisipasaun másimu husi grupu oiain husi feto no mane, no promove igualdade jéneru	1.2.1. Dezenvolve kapasidade instituisaun Governu nian atu integra ajenda FPS nian iha lejislasaun, política no programa sira inklui membru parlamentu no ofisiál ministériu mane no feto sira.	# no % husi ministériu/ institucionál lei, política no planu integradu perspetiva jéneru.	x	x	x	x	x
	1.2.2. Dezenvolve kapasidade instituisaun Governu nian atu integra ajenda FPS nian iha lejislasaun, política no programa sira inklui membru parlamentu no ofisiál ministériu mane no feto sira.	# no % husi ministériu/ institucionál lei, política no planu integradu perspetiva jéneru.	x	x	x	x	x

SEI, MAE & ONGs

MJ



	<p>1.2.2. Analize no revizaun ba lei, politika no programa sira ne'ebé aliña ho CEDAW, RKSNU kona-ba Feto, Pás no Seguransa no obrigasau internasionál sira seluk hanesan direitu umanu.</p>	<p># no porsentu husi deputadu sira partisipa iha konsulta ho siedadade sivil ne'ebé relasiona ho dimensaun jéneru dame, seguransa defeza no asuntu justisa.</p>	<p>X X X X X X X</p>	<p>GMPTL</p>
	<p>1.2.3. Halo diálogo ho feto no grupu minoría/marjinalizadu sira no siedadade sivil sira atu kontribui ba planeamentu, hakerek no implementasaun lejislasau, politika no programa sira liuliu relasiona ho projetu eskala boot/ mega projetu (Tasi Mane, ZEESM, etc)</p>	<p># husi diálogo ho feto no grupu minoría/marjinalizadu no siedadade sivil sira ne'ebé hala'o. % husi lejislasau, programa ne'ebé relasiona ho mega-projetu ne'ebé integra rekomendasaun sira ne'ebé halibur husi grupu feto no siedadade sivil.</p>	<p>X X X X X X X</p>	<p>SEI</p>
<p>1.3. Hasa'e representasaun feto sira ne'ebé rekrutadu no promove iha Instituisaun Nasionál Seguransa, Defeza, Profesaun Sivil no Justisa.</p>	<p>1.3.1. Halo revizaun ba regulamentu sira (rekrutamentu, promosaun no rekursu umanu) iha instituisaun defeza sira inklui Forsa Defeza (F-FDTL) no Seguransa inklui (PNTL) obrigasaun ba pesoál Bombeiros no Seguransa Sivil atu elimina diskriminasaun inklui violasaun ba pesodí defeza no seguransa sira.</p>	<p># husi rekomendasaun sira atu hadi'a prosesu/kriteria/ regulasaun sira adopta ona iha instituisaun sira. Instituisaun defeza no seguransa, protesaun sivil integra ona análize perspetiva jéneru iha regulamentu rekursu umanu.</p>	<p>X X X X X X X</p>	<p>MD/F-FDTL, MI/PNTL</p>
	<p>1.3.2. Diseminasaun informasaun husi PNTL no F-FDTL ba eskola sekundária inklui ba estudante feto no mane sira kona-ba rekrutamentu no karreira ho instituisaun defeza no seguransa.</p>	<p># atividade socializasaun kona-ba rekrutamentu ne'ebé hala'o iha eskola sira iha munisípiu 12 no RAEQA. # no % husi feto sira ne'ebé rekrutadu ba iha instituisaun defeza no seguransa.</p>	<p>X X X X X X X</p>	<p>MD/F_FDTL, MI/PNTL</p>
	<p>1.3.3. Trainamentu sira ne'ebé sei hala'o atu promove feto sira-nia kna'ar lideransa iha instituisaun Defeza no Seguransa no Profesaun Sivil inklui esforsu atu hetan bolsa estudu.</p>	<p>% husi pesoál defeza no seguransa feto no protesaun sivil partisipa iha atividade dezenvolvimentu kapasidade kada tinan.</p>	<p>X X X X X X X</p>	<p>MI/PNTL MD/F-FDTL</p>

	<p>1.3.4. Adopta kuota atu promove rekrutamentu no representasaun feto sira-nian iha instituisaun defeza no seguransa no protesaun sivil.</p>	<p># no % husi Feto sira ne'ebé rekrutadu ba F-FDRTL no PNTL no Protesaun Sivil ho kuota minimu 15% ba kada rekrutamentu.</p>	<p>x   x   x   x   x   x   x</p>	<p>MI/PNTL MDS/F-FDRTL</p>
	<p>1.3.5. Hala'o treinamentu atu promove feto sira iha pozisaun lideransa iha setór justisa, inklui advogadu, prokurador, defensor públiku no juis sira ne'ebé iha esperiênsia iha perspetiva jéneru no direitu internasionál.</p>	<p># no % juis, advogadu (prokurador no defensor públiku) partisipa iha treinamentu ne'e no hatudu kompriensaun kona-ba perspetiva jéneru no lei internasionál sira.</p>	<p>x   x   x   x   x</p>	<p>MJ</p>
<p>1.4. Mekanizmu rezolusaun konfliku Komunitade no lideransa sira fó oportunidade ba feto sira atu partisipa ativamente hanesan mediador no pontu fokál sira iha hari'i dame no seguransa.</p>	<p>1.4.1. Dezenvolve kampaña públiku sira atu promove oportunidade no rekursu sira hodi enkoraja/assegura feto sira-nia partisipasaun iha aspetu hotu-hotu husi komunidadade nia moris relasiona ho rezolusaun konfliku.</p>	<p>% husi kazu sira ne'ebé relata ba DNPCK tinan-tinan rezolve husi mediador feto sira.</p>	<p>x   x   x   x   x</p>	<p>MSSI, MI</p>
	<p>1.4.2. Definisau ba kuota minimu ba feto sira ne'ebé rekruta hanesan Koordinador, Mediador no Pontu Fokál ba Prevensaun Konfliku iha nível munisipiú.</p>	<p># no % husi mediador feto, koordinador no pontu fokál sira ne'ebé Ministériu Interiór/ DNPCK rekruta tuir kuota minimu ne'ebé defina ona.</p>	<p>x   x   x   x   x</p>	<p>MI (DNPCK)</p>

PILÁR II - PREVENSAUN								
Objetivu Xave: Hadi'ak, hametin no habelar preventsaun konfitu violentu inklui violénsia bazeia ba jéneru								
Rezultadu	Atividade Espezifiku	Indikadór dezempeñu	Tinan Implementasaun				Instituisaun Lidera	
			2024	2025	2026	2027		2028
2.1. Instituisaun Defeza, seguransa, Protesaun Sivil no sentru formasaun justisa inklui ona módu kona-ba jéneru iha sira-nia manuál treinamentu.	2.1.1. Dezenvolve no integra materiál ba jéneru, direitus umanus, tratadu no konvensaun sira iha kurikulu sentru formasaun seguransa, defeza no justisa nian.	# husi sentru treinamentu seguransa, defeza no judisiáriu sira inklui igualdade jéneru no direitu umanu iha sira-nia manuál treinamentu, hanesan: CEDAW, RKSNU kona-ba Feto, Pás no Seguransa, lei umanitária, konsiénsia ba HIV/SIDA, etc.	x	x	x	x	x	MI, MD, MJ
	2.1.2. Dezenvolve kursu especializadu ba defeza, pesodá seguransa no justisa kona-ba igualdade jéneru, direitu umanu, konsiénsia ba HIV/SIDA, inklui informasaun kona-ba saúde reprodutiva iha sentru formasaun defeza no seguransa.	# no % husi pesodá defeza no seguransa (tuir seksu) iha koñesimentu kona-ba igualdade jéneru, direitu umanu no HIV/SIDA.	x	x	x	x	x	MI, MD, SEI
	2.1.3. Fornese kursu especializadu ba autór judisiáriu sira kona-ba igualdade jéneru, VBJ, LADV no direitus umanus iha sentru formasaun judisiáriu.	# no % husi pesodá judisiáriu (tuir seksu) iha koñesimentu kona-ba igualdade jéneru, VBJ, LKVD no direitus umanus.	x	x	x	x	x	MJ, SEI
	2.1.4. Treinamentu kona-ba protesau ba ema sivil sira, inklui direitu no nesidade feto sira-nian, iha operasaun manutensaun dame no hari'i dame, nomós hasa'e konsiénsia kona-ba HIV/SIDA ba forsa manutensaun dame molok halo servisu.	# husi modulu no kursu sira atualiza ona. # no % husi pesodá seguransa no defeza feto sira ne'ébé partisipa iha operasaun manutensaun dame no hari'i dame (tuir seksu) hatudu konsiénsia kona-ba protesau sivil ne'ébé responde ba jéneru.	x	x	x	x	x	Sentru formasaun PNTL no F-FDTL



<p>2.2. Mekanizmu prevensaun konfliktu inklui perspetiva jéneru ida.</p>	<p>2.2.1. Dezenvolve indikadór ho perspetiva jéneru ne'ebé sei inklui iha debate/deskusaun kona-ba lei, politika, planu no estratéjia sira ne'ebé eziste relasiona ho prevensaun konfliktu.</p>	<p>Indikadór integradu sira ho perspetiva jéneru iha lei, politika, planu no estratéjia sira ne'ebé eziste relasiona ho prevensaun konfliktu.</p> <p>Halo konsiénsia hodi hasa'e importánsia husi perspetiva jéneru iha prevensaun konfliktu komunitáriu no instituisaun públiku sira husi nível nasional to'o iha área rurál sira.</p>	<p>x   x   x   x   x   x</p>	<p>MI, Belun</p>
<p>2.2.2. Avaliasan no revizaun ba Sistema Alerta Sedu konfliktu nian no sistema reduसान risku eskalaun konfliktu nian no atu inkorpora tan indikadór sensível ba jéneru sira no mekanizmu monitorizasaun sira.</p>	<p>2.2.2. Avaliasan no revizaun ba Sistema Alerta Sedu konfliktu nian no sistema reduसान risku eskalaun konfliktu nian no atu inkorpora tan indikadór sensível ba jéneru sira no mekanizmu monitorizasaun sira.</p>	<p># rekomendasaun sira submete iha sistema avaliasaun relevante sira.</p> <p>Iha % relatáriu sira kona-ba sistema alerta sedu ba konfliktu no reduसान risku dezastre naturál no violénsia inklui perspetiva jéneru (ezemplu dadus dezagregadu tuir seksu no rekomendasaun espesífiku tuir jéneru).</p>	<p>x   x   x   x   x</p>	<p>MI, Belun</p>
<p>2.2.3. Diseminaisaun kona-ba sistema alerta sedu ba autoridade lokal sira, lider komunitáriu sira, inklui membru Konsellu Suku no membru komunidadade sira seluk liu-liu feto, foin-sa'e no grupu minoría sira.</p>	<p>2.2.3. Diseminaisaun kona-ba sistema alerta sedu ba autoridade lokal sira, lider komunitáriu sira, inklui membru Konsellu Suku no membru komunidadade sira seluk liu-liu feto, foin-sa'e no grupu minoría sira.</p>	<p>Halo atividade diseminaisaun ho partisipasaun husi porsentu populasan adultu (tuir seksu, idade no defisiénsia) ne'ebé komprende alerta sedu.</p>	<p>x   x   x   x   x</p>	<p>MI, Belun</p>
<p>2.2.4. Treinamentu ba mediadór (mane no feto) atu iha koñesimentu kona-ba rezolusaun konfliktu ho perspetiva jéneru (inklui mediadór MSS)</p>	<p>2.2.4. Treinamentu ba mediadór (mane no feto) atu iha koñesimentu kona-ba rezolusaun konfliktu ho perspetiva jéneru (inklui mediadór MSS)</p>	<p>Halo # treinamentu ba mediadór sira (tuir seksu) iha nível nasional kona-ba prevensaun no rezolusaun konfliktu ho perspetiva jéneru; % husi mediadór (tuir seksu) hatudu komprensian kona-ba perspetiva jéneru no prátika rezolusaun konfliktu.</p>	<p>x   x   x   x   x</p>	<p>MI, Belun</p>

<p>2.3. Promove kultura rezolusaun konfliktu pasifika iha komunidadade.</p>	<p>2.3.1. Hala'õ atividade hasa'e konsiênsia ba joven fetõ no mane sira kona-ba rezolusaun konfliktu la-hõ violênsia.</p>	<p># husi insidente kriminal violentu ne'ebé komete husi juventude (tuur seksu) iha Suku hamenus;</p> <p>Foin-sa'e sira iha suku partisipa iha # atividade sira ne'ebé relasiona ho no hasa'e ona konsiênsia kona-ba rezolusaun konfliktu ne'ebé la'ós violentu husi ajente relevante sira.</p>	<p>x   x   x   x   x   x</p>	<p>MI</p>
	<p>2.3.2. Edukasaun sívika inklui sensitivu ba jéneru</p> <p>Resolusaun konfliktu la-hõ violênsia integradu iha kurrikulu eskola primária no sekundária.</p>	<p># husi klase báziku no sekundáriu (husi 12) ne'ebé iha planu lisaun kona-ba rezolusaun konfliktu ne'ebé sensitivel ba jéneru la'ós violentu.</p> <p># no % profesór sira partisipa iha treinamentu kona-ba rezolusaun konfliktu ne'ebé sensitivel ba jéneru no la-hõ violentu no FPS.</p>	<p>x   x   x   x   x</p>	<p>ME, MI</p>
	<p>2.3.3. Disemina edukasaun sívika iha komunidadade</p>	<p>Komunidadade sira iha nível suku sira partisipa no kompriende kona-ba edukasaun sívika báziku no kontribui ba dezvoltimentu komunitária</p>	<p>x   x   x   x   x</p>	<p>MI</p>
<p>2.4. Lei no política kona-ba konfliktu sira sensitivel ba jéneru.</p>	<p>2.4.1. Halo konsulta ho sociedade sivil no parlamentu inklui organizasaun fetõ nian atu bele asegura katak lei no política sira ne'ebé relasiona ho kostume tradisionál sira (barlake) kona-ba prevensaun konfliktu ne'ebé sensitivel ba jéneru.</p>	<p># hala'õ atividade konsulta ho Parlamentu no sociedade sivil inklui organizasaun fetõ sira.</p> <p>% husi lei no política sira ne'ebé relasiona ho prevensaun konfliktu tradisionál (barlake) integradu iha rekomendasaun jéneru;</p>	<p>x   x   x   x   x</p>	<p>SEI</p>

<p>2.4.2. Halo diálogu ho feto sira iha nivel komunidadade hodi identifika kauza no konsekuénsia husi prátika sira ne'ebé regula prátika tradisionál inklui hamenus # bartlake.</p>	<p>Halo atividade diálogu ho feto sira iha nível komunidadade nian kona-ba prátika prevensaun konfliktu tradisionál ne'ebé sensível ba jéneru; # no % husi Suku fó rekomendasaun ba revizaun ba prátika kostumeira sensível ba jéneru;</p>	<p>x   x   x   x   x   x</p>	<p>MJ</p>
<p>2.4.3. Socializasaun ba lei rai no propriedade ne'ebé aprova ona husi PN.</p>	<p># atividade socializasaun ne'ebé hala'o ho komunidadade kona-ba lei rai no propriedade ne'ebé aprova husi PN. % husi suku simu informasaun kona-ba feto sira-nia asesu no direitu ba rai no propriedade tuir lei. % husi komunidadade sira ne'ebé simu informasaun kona-ba ema nia direitu legál inklui política indemizasaun ba komunidadade, liuliu kona-ba direitu no asesu ba rai no propriedade ba feto sira iha eventu ne'ebé governu implementa mega-projetu sira, hanesan ZEESM (Zona Especial Ekonomia Sosial Merkadu Timor-Leste-Oekusse), Kosta Sul no Covalima.</p>	<p>x   x   x   x   x</p>	<p>MJ- SE. Terras e Propriedades</p>
<p>2.4.4. Halo diálogu no análise atu kompriende ameasa seguransa iha fatin Sibernética, no akontesimentu konfliktu no krime bazeia ba jéneru ne'ebé fasilita liuhusi plataforma online, inklui tráfik uamanu, no rekrutamentu ba labarik-feto no feto sira liuhusi rede tráfik; no promove aprosimasaun transformativu jéneru hodi prevene inseguransa no violénsia ne'ebé relasiona ho</p>	<p># husi diálogu sira ne'ebé hala'o iha nivel nasional no sub-nasional # husi lei no enkuadramentu política sira ne'ebé integra konsiderasaun jéneru iha prevensaun violénsia; konfliktu no krime bazeia ba jéneru iha espasu Sibernética .</p>	<p>x   x   x   x   x   x</p>	<p>MI</p>



	<p>cyber, no kombatse informasaun ne'ebé la loos, no promove inklusaun konsiderasaun jéneru iha lei no politika sira ne'ebé relasiona ho seguransa Sibernetika.</p>		
<p>2.5. Haforsa kapasidade ba média sensível ba jéneru kona-ba perspetiva jéneru no prevensaun konfitu.</p>	<p>2.5.1. Dezenvelope kapasidade no envolve média sira, lililii iha atividade sira iha área rural sira hodi fahe informasaun ne'ebé sensível ba jéneru ho hari'i dame no perspetiva seguransa.</p>	<p># husi atividade formasaun/hari'i kapasidade ne'ebé hala'o ba média nasional kona-ba papél média iha prevensaun konfitu no perspetiva jéneru.</p> <p># no % husi Suku sira ne'ebé kobre husi média relasiona ho igualdade jéneru (broadkaste ka transmite liuhusi jornál, radio ka TV).</p>	<p>SEI/SEKOMS</p>
<p>2.6. Haforsa ezekusaun lei no konsiensa kona-ba prevensaun no responde ba tráfiiku umanu no sibernetika</p>	<p>2.6.1. Komunitade lokal, órgaun ezekusaun lei no forneseador servisu sira aumenta ona sira-nia konsiensa no koñesimentu atu identifika sinál tráfiiku umanu (inklui sibernetika), no atu prevene no responde ba tráfiiku umanu.</p>	<p># comunidade lokal, órgaun ezekusaun lei no forneseador servisu sira sei hetan informasaun klean ba mekanizmu prevensaun no responde ba tráfiiku umanu no sibernetika.</p>	<p>KLATU, Ministériu Públiku, Prokuradoria Jerál, Ministériu Justisa, PCIC, PNTL, MI, ALFELA, JSMP.</p>
	<p>2.6.2. Estabelese rede bazeia ba comunidade (liu-liu comunidade fronteira sira, no inklui lider feto sira no forneseador servisu esensial lokal sira) hodi fornese formasaun atu hasa'e sira-nia konsiensa no koñesimentu kona-ba igualdade jéneru, identifika sinál tráfiiku umanu, no prevensaun no resposta VBJ no promove asaun kolektiva ba mudansa pozitivu ne'ebé inisia husi comunidade iha norma no atitude sosial sira inklui eliminasaun estigmatizasaun ba sobrevivente sira.</p>	<p># husi membru comunidade no lider sira ne'ebé hetan formasaun no forneseador servisu esensial lokal sira ho koñesimentu ne'ebé boot liu kona-ba igualdade jéneru, prevensaun no resposta ba tráfiiku umanu.</p>	<p>KLATU, Ministériu Públiku, Prokuradoria Jerál, Ministériu Justisa, PCIC, PNTL, MI, ALFELA, JSMP.</p>

	<p>2.6.3 - Fornese kapasitasaun ba autór prinsipál sira iha ezekusaun judisiáriu no lei, imigrasaun kona-ba kuadru legál no politika nasional atu kombat tráfiku umanu inklui tráfiku fetu no labarik-feto sira, no hasa'e sira-nia konsiénsia kona-ba prosedimentu sensível ba jéneru ba identifikasaun sedu no refere sobrevivente sira ba servisu relevante sira.</p>	<p># husi pesodá sira ne'ebé hetan formasaun iha área judisiáriu, ezekusaun lei no imigrasaun ho koñesimentu ne'ebé boot liu kona-ba kuadru legál no politika nasional atu kombat tráfiku umanu, inklui tráfiku fetu no labarik-feto sira, no hasa'e sira-nia konsiénsia kona-ba prosedimentu sensível ba jéneru ba identifikasaun sedu no referénsia servisu sira.</p>	<p>x      x      x      x      x      x</p>	<p>KLATU, Ministériu Públiku, Prokuradoria Jerál, Ministériu Justisa, PCIC, PNTL, MI, KLATU, JSMP</p>	
<b>PILÁR III - PROTESAUN</b>					
<b>Objetivu: Hadi'ak, hametin no habelar protesasaun no responde adekuadamente ba konfliktu violentu no violénsia bazeia ba jéneru</b>					
<b>Rezultadu</b>	<b>Atividade Espezifiku</b>	<b>Indikadór dezempeñu</b>	<b>Tinan Implementasaun</b>		<b>Instituisaun Lidera</b>
<p>3.1. Autór comunidade no seguransa sira iha asesu ba teste sensível ba jéneru ba HIV/SIDA no STI, moras no pandemia sira seluk (Covid-19) iha munisípiu sira.</p>	<p>3.1.1. Faxe informasaun ba comunidade, atór seguransa no defeza sira ne'ebé destaka iha área fronteira atu hasa'e sira-nia konsiénsia no asesu ba teste HIV/SIDA, STI no COVID-19.</p>	<p>Halo atividade diseminasaun ba estudante sira nomós ba comunidade en jerdí, inklui comunidade iha área fronteira no pesodá imigrasaun sira ne'ebé fornese servisu iha área fronteira, portu no aeroportu sira atu hetan koñesimentu no promove sira nia asesu ba teste HIV/SIDA, STI no COVID-19.</p> <p>% husi PNTL no F-FD TL postu simu informasaun nakloke hodi fornese konsellu voluntáriu no teste no tratamentu ba HIV/SIDA no infesaun ne'ebé transmite seksuálmente. voluntáriu no</p>	<p>2024    2025    2026    2027    2028</p> <p>x      x      x      x      x</p>	<p>INCSIDA / MS, JSMP, KLATU</p>	

	<p>3.1.2. Fornese informasaun ne'ebé adekuadu ba públiku/komunidade, liu-liu fetu sira atu halo teste ba HIV/ SIDA, STI no moras komunikavel sira seluk atu halo prevensaun sedu.</p>	<p>teste no tratamentu ba HIV/ SIDA no infesaun ne'ebé transmite seksualmente.</p> <p>% husi postu saúde sira ne'ebé mak equipadu atu fornese servisu konsellu no teste.</p> <p>% husi komunidade liu-liu fetu sira iha asesu no simu tratamentu ba teste voluntáriu ba HIV/SIDA, infesaun ne'ebé transmite seksualmente no moras komunikavel sira seluk.</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>MS</p>
<p>3.2. Sistema justisa formál néé sensível ba jéneru no implementa lei sira kona-ba igualdade jéneru ho maneira ka interpretasaun ne'ebé hanesan.</p>	<p>3.2.1. Hari'i kapasidade ba júis fetu no defensor públiku sira kona-ba direitu fetu nian no laha diskriminasaun iha termu lei no politika sira ne'ebé relasiona ho igualdade jéneru inklui prátika kulturál sira ho efeitu negativu ba fetu no integra ida-ne'e iha sentru formasaun judisiáriu.</p>	<p># no % husi júis no advogadu / defensor públiku sira tuir seksu partisipa iha atividade hari'i kapasidade tinan-tinan.</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>MJ</p>
	<p>3.2.2. Fasilita ka fornese assisténsia legál ba vítima sira hodi halo akuzasaun hasoru autor krime sira ne'ebé komete durante funu iha prazu ne'ebé determinadu.</p>	<p>% husi kazu krime grave ne'ebé prosesa liuhusi mekanizmu justisa formál kada tinan.</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>MJ</p>
<p>3.3. Sobrevivente tráffiku fetu no labarik-fetu sira hetan protesaun adekuadu</p>	<p>3.3.1. Haforsa kapasidade instituisaun governu nian, fornecedor servisu lokál sira, no lider komunitáriu lokál sira atu fó apoiu no protesaun hodi asegura fetu no labarik-fetu sira ne'ebé mak sobrevivente husi tráffiku ho asesu adekuadu ba servisu apoiu nian, inklui servisu médiiku, uma mahon no servisu konsellu nian, no atu asegura reintegrasaun seguru.</p>	<p># husi ofisial sira ne'ebé hetan formasaun, fornecedor servisu esensial lokál sira no lider komunitáriu lokál sira atu asegura protesaun no fó apoiu ba servisu referál no reintegrasaun.</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>x</p> <p>x</p> <p>x</p> <p>x</p> <p>x</p> <p>x</p> <p>x</p>	<p>KLATU, PNTL, MI, ALFELA, JSMP</p>



PILÁR IV – HARI'I PÁS								
Objetivu: Hadi'ak no habelar hari'i pás liuhusi hametin justisa no planeamentu pós-konfliktu								
Rezultadu	Atividade Espezifiku	Indikadór dezempeñu	Tinan Implementasaun					Instituisaun Lidera
			2024	2025	2026	2027	2028	
4.1. Feto sira iha asesu ba rekursu naturál sira inklui rai, bee moos no nesiedade báziku sira seluk hodi permite sira hari'i meiu moris ne'ebé sustentável no kontribui ba sosiedade ida-ne'ebé estavel no pasifika.	4.1.1. Organiza monitorizasaun ba dezenvolvimentu infraestrutura báziku atu fó benefísiu ba komunidadade sira liuliu feto sira.	% husi populusaun feto relata asesu ba Instalasaun infraestrutura bázika inklui saúde, Saneamentu no bee.	x	x	x	x	x	MSSI
	4.1.2. Sosializa no habelar mekanizmu sensível ba jéneru responde ba dezastre naturál sira atu komunidadade sira bele komprende oinsá atu fó resposta imediata ba dezastre naturál sira.	Iha matadalan ida-ne'ebé disponivel kona-ba mekanizmu sensível ba jéneru no responde ba dezastre  % husi rede resposta dezastre suku nian ne'ebé hatudu konsiénsia dezastre sensível ba jéneru - DRR.	x	x	x	x	x	SEPC/MI
4.2. Promove feto sira-nia papél iha hari'i dame no rezolusaun konfliktu iha nivel lokál, nasionál, rejionál no globál	4.2.1. Treinamentu ba autoridade lokál sira, lideransa komunitáriu, membru komunidadade no média sira kona-ba elementu sira husi hari'i dame no rezolusaun konfliktu no direitu umanu inklui direitu feto nian.	% husi parte-interesada suku ne'ebé hetan treinamentu (tuir seksu no afiliasaun) ho atitude jéneru ne'ebé hanesan.	x	x	x	x	x	SEPC/MI
	4.2.2. Halo atividade kulturál no desportiva sira atu promove dame (liu-liu ba foin-sa'e sira)	% juventude (tuir seksu) hetan liuhusi atividade desportu no kulturál relatóriu mudansa iha sira-nia atitidade Atitude kona-ba dame.	x	x	x	x	x	MJDAC, SEI
	4.2.3. Fasilita eis Timor-oan refujiadu sira ne'ebé hela iha Indonezia atu fila fali hodi halibur hamutuk ho sira-nia família sira ne'ebé ketak ona husi konfliktu no asegura sira-nia seguransa	% husi membru familia refujiadu/saudades halibur sira hamutuk ho dame tinan-tinan.	x	x	x	x	x	MNEC

	<p>4.2.4. Continua ho atividade rekonsiliasaun iha nível comunidade.</p>	<p>Iha politika no/ka konseitu sira kona-ba rekonsiliasaun iha nível comunidade ne'ebé integradu no respeita prinsipiu justisa tranzitoriu no sensitivu ba jéneru.</p> <p># konfliktu sira iha sosiedade inklui konfliktu politiku sira iha pasadu hamenus tinan-tinan.</p>	<p>x</p> <p>x</p> <p>x</p> <p>x</p> <p>x</p> <p>x</p>	<p>MNEC &amp; CNC</p>
<p>4.3. Feto iha Lideransa no Diplomásia</p>	<p>4.3.1. Organiza forum diálogo atu rekoñese feto sira-nia papél nesesáriu iha politika, asuntu públiku no diplomásia, no sira-nia kontribuisaun kritiku hodi forma envolvimentu multilateralá sira.</p> <p>4.3.2. Atu promove no fasilita diálogo sira atu dezafia obstákulu estruturál sira no diskriminasaun bazeia ba jéneru, no atu promove mudansa transformativu sira ba igualdade jéneru no atu promove representasaun hanesan iha politika, asuntu públiku, diplomátika no iha papél foti desizaun nian oin-oin.</p>	<p># forum diálogo organiza atu Rekonese feto sira-nia papél nesesáriu iha politika, asuntu públiku no diplomásia, no sira-nia kontribuisaun kritiku hodi forma envolvimentu multilateralá sira.</p> <p># feto iha diálogo atinji promosaun iha representasaun hanesan iha politika, asuntu públiku, diplomásia no iha espektu hotu-hotu iha papél foti desizaun liuhusi diálogo interkámbiu.</p>	<p>x</p> <p>x</p> <p>x</p> <p>x</p> <p>x</p> <p>x</p>	<p>MNEC, SEI, CAUCUS</p> <p>MNEC, SEI, CAUCUS</p>
	<p>4.3.3. Revitaliza plataforma sira ba apoiu malu no hametin rede lideransa feto sira-nian, nune'e mós atu fó kbi'it ba lideransa feto sira-nian nu'udar modelu atu fahe koñesimentu no esperiénsia hodi fó inspirasaun ba jerasaun feto sira ne'ebé influénsia iha Timor-Leste.</p>	<p># husi feto sira atinji ona iha atividade sira atu hametin rede sira, fo inspirasaun ba líder feto sira no jerasaun sira tuir mai ne'ebé iha influénsia, promove koñesimentu no fahe esperiénsia sira.</p>	<p>x</p> <p>x</p> <p>x</p> <p>x</p> <p>x</p> <p>x</p>	<p>MNEC, SEI, CAUCUS</p>

<p>4.4. Governu implementa rekomendasan no provizaun sira husi Komisaun Verdade no Rekonsiliasaun Timor-Leste nian (CAVR) no Komisaun Verdade no Amizade (CVA) kona-ba fetu nia direitu.</p>	<p>4.4.1. Dezenvolve politika reparasaun ba vítima no sobrevivente sira husi konfliktu pasadu (1974-1999)</p>	<p>Halo tiha ona programa no planu nasional ida kona-ba reparasaun ba vítima no sobrevivente sira husi konfliktu pasadu (1974-1999).</p>	<p>x</p>	<p>x</p>	<p>x</p>	<p>CNC, MSSI, MAE &amp; ME</p>
	<p>4.4.2. Implementasaun rekomendasan CAVR no CVA inklui monitorizasaun kona-ba direitu fetu inklui fetu vítima ka violénsia seksuál no ema ho defisiénsia liu-liu sira ne'ebé sai vítima funu.</p>	<p>% husi fetu sira ne'ebé mak sobrevivente oinsá sira simu ona apoiu saude, uma, no edukasaun (inklui bolsa estudu ba sobrevivente nia oan sira). # husi rekomendasan sira husi CAVR no CVA kona-ba direitu fetu nian inklui vítima violasaun seksuál no ema ho defisiénsia sira ne'ebé inkorpora ona iha politika no programa entidade sira iha nivel nasional no internasionál ne'ebé hatudu ona resultadu pozitivu.</p>	<p>x</p>	<p>x</p>	<p>x</p>	<p>CNC &amp; AJAR, ACbit, ADTL</p>
	<p>4.4.3. Organiza monitorizasaun kona-ba implementasaun kurrikulu istória konfliktu husi relatóriu CAVR iha eskola hotu-hotu iha Timor-Leste.</p>	<p># husi eskola sira iha nível ensinu primáriu to'o nivel ensinu superior uza material istória ne'ebé modelu relatóriu CAVR no sensível ba jéneru.</p>	<p>x</p>	<p>x</p>	<p>x</p>	<p>ME, CNC &amp; AJAR</p>
<p>4.5. Fetu antigu sira ne'ebé halo funu hetan justisa no rekoñesimentu ba sira-nia kontribuisan ba dame.</p>	<p>4.5.1. Haforsa no fornese kapasitasaun ba servisu asosiasaun/rede nasional vítima sira-nian liuhusi treinamentu no akompañamentu kona-ba sira-nia nesiedade atu recupera husi konfliktu pasadu.</p>	<p>% husi fetu kombattente sira ne'ebé iha asesu ba veteranu sira-nia pensaun tuir Lei Antigu Kombattente sira. % husi fetu kombattente sira ne'ebé simu ona atendumtu no konsellu no asesu ba tratamentu saude, ba sira ne'ebé iha situasaun separasaun no trauma funu nian;</p>	<p>x</p>	<p>x</p>	<p>x</p>	<p>MSSI, CNC &amp; AJAR, ACbit</p>



	<p>4.5.2. Monitoriza programa/projetu sira ne'ebé fornese ba veteranu no vítima sira atu asegura katak sira hetan benefisiu real sira.</p>	<p># husi feto forma combatente sira inklui vítima sira ne'ebé hetan assisténsia hodi hetan asesu ba rekursu financeiru, kréditu ho jurus ki'ik no facilidade agrikultura no oinsá atu jere rendimentu ba meius moris ne'ebé auto-suficiente.</p>	<p>x</p>	<p>x</p>	<p>x</p>	<p>x</p>	<p>CNC, MACLN</p>
	<p>4.5.3. Estabelese komisaun independente ida atu monitoriza verifikasaun dados/aplikasaun/ dokumentu veteranu sira-nian.</p>	<p>Komisaun hala'o monitorizasaun no verifikasaun ba dados/aplikasaun/ dokumentu veteranu.</p>	<p>x</p>	<p>x</p>	<p>x</p>	<p>x</p>	<p>MACLN, CNC</p>
	<p>4.5.4. Advogadu no halo lobby ba Estadu no governu atu rekoñese feto sira-nia kontribuisaun ba independénsia no dame liuhusi konstrusaun monumentu no atividade memorializasaun, no seluk tan. Conserva fatin istóriu ba turizmu.</p>	<p># no % veteranu sira ne'ebé rejista ona, simu ona apoiu kréditu</p>	<p>x</p>	<p>x</p>	<p>x</p>	<p>x</p>	<p>CNC, SEI, MACLN</p>
	<p>4.5.5. Halo advokásia atu Estadu fó pensaun ba veterana sira tuir lei ne'ebé vigora</p>	<p>% membru sira ne'ebé eis dadur polítiku simu apresiasaun husi Governu, simu servisu mental no fíziku husi Governu, asesu ba finansas, kréditu no iha kapasidade atu jere rendimentu sustentável.</p>	<p>x</p>	<p>x</p>	<p>x</p>	<p>x</p>	<p>CNC, SEI, MACLN</p>
	<p>4.5.6. Halo advokásia atu Estadu no government fó rekonhesimentu no reparasaun ba Eis Prizioneiras polítika inklui kuidadu ba saúde</p>		<p>x</p>	<p>x</p>	<p>x</p>	<p>x</p>	<p>CNC, SEI, MACLN</p>

ANEKSU 02:

**REZULTADU SORUMUTU KONSULTA  
PAN 1325 HO SOSIEDADE SIVÍL**



## ANEKSU 2: REZULTADU SORUMUTU KONSULTA PAN 1325 HO SOSIEDADE SIVÍL

No.	Pilár/Atividades	Organizasaun	Komentáriu
<b>I.</b>	<b>Pilár Partisipasaun/atividades</b>		
	Advokásia ba adopsaun kuota atu promove partisipasaun fetu sira-nian iha pozisaun foti desizaun iha instituisaun Estadu nia laran	Rede Feto	
	Advoksia ba polítika integrasaun igualdade jéneru		
	lidera Kongresu Nasionál Feto Timor-Leste nian		
	Sosializasaun PAN 1325 ho tema: Feto mak ajente ba transformasaun iha Munisípiu Dili	APSCTL	
	Treinamentu ba lideransa komunitária no estudante sira kona-ba rezolusaun 1325		
	Feto nia partisipasaun iha nível foti desizaun		
<b>II.</b>	<b>Pilár Prevensaun/ atividades</b>		
	Kampana kona-ba Lei Violénsia Doméstika iha Eskola	APSCTL	
	Treinamentu ba inan sira kona-ba empoderamentu ekonómiku		
	Koleta dadus insidente sira	Belun	Parseria ho DNPCK
	Mediasaun konfliktu iha comunidade (ezemplu: kazu disputa rai), tara bandu, Nahe biti boot	Belun	Parseria ho DNPCK
	Sosializasaun no formasaun kona-ba VBJ ba kontratór sira husi Ministériu Obras Públiku ne'ebé fó ona ho projetu infraestrutúra sira	Fokupers	
	Hasa'e konsiénsia kona-ba HIV/SIDA no saúde reprodutiva ba defeza, seguransa, comunidade, foin-sa'e sira		
	Advokásia ba integrasaun asuntu kona-ba jéneru, HR, CEDAW, RKSNU 1325 ba kuríkulu eskola no sentru formasaun		
	Hari'i kapasidade ba foin-sa'e sira oinsá atu trata VBJ no ema seluk	Belun	
	Hasa'e konsiénsia kona-ba kestaun sira kona-ba VBJ (prevensaun ba asaltu seksuál, violénsia seksuál - siklu moris fetu no mane nian) ba estudante sira, inan-aman no profesór sira, kria " kaixa kazu " iha eskola pilotu iha Munisípiu Ermera, Viqueque no Maliana, estabelese / kria mekanizmu referál ba eskola, VBJ iha eskola pilotu sira: Ermera, Viqueque no Maliana	Fokupers	
	Halo atividade prevensaun ba VBJ iha sentru evakuasaun sira		
	Sosializasaun ba lei kontra violénsia doméstika		
	Fasilita mediasaun ba kaben-na'in sira iha kazu sivíl sira ne'ebé nesesáriu: kazu abandon liuhusi kolaborasaun ho defensor públiku. (Prevensaun)		



III.	Pilár Protesaun/ Actividade Sira		
	Asisténsia ba vítima sira husi projetu infraestrutura sira inklui akonsellamentu	Fokupers	
	Monitorizasaun ba prizaun sira (Suai, Dili, no Gleno) haree ba direitu ema ne'ebé la iha kondisaun (feto) atu hetan asesu ba justisa formál	A. HAK	
	Diseminasaun informasaun ba estudante no comunidade sira en jerál no comunidade sira iha área fronteira liuliu kona-ba koñesimentu kona-ba sinál violénsia sedu, tráfik u manu, droga, HIV/SIDA no ISD	Rede Feto	
	Monitorizasaun konfliktu no referál ba kazu violénsia doméstika	Belun	Parceria referál: VPU, PNTL, ALFELA, FOKUPERS, PRADET,
	Fo asisténsia ba vítima VBJ, fornese <ul style="list-style-type: none"> <li>• Uma mahon ba ema-boot sira</li> <li>• Uma mahon ba labarik sira,</li> <li>• Uma mahon Maria Tapo – Maliana</li> <li>• Uma Tranzitu - Covalima</li> </ul>	FOKUPERS	
	Fornese konsellu no asisténsia psiko-sosiál ba vítima sira; akompaña vítima sira iha área saúde, prosedimentu legál sira; fó insentivu ki'ik ba vítima sira ne'ebé hetan VBJ durante sira-nia reinsersaun iha família; fó bolsa estudu ba vítima nia oan sira		
	Fornese servisu kuidadu gratuita ba aprendizajen (child-minding centre) ba labarik vítima VBJ sira		
IV.	Hari'i Pás/Rekuperasaun		
	Treinamentu kona-ba hari'i dame ba comunidade, autoridade lokál sira, feto potenciál sira, sobrevivente no joven feto no mane sira. Modulu, Feto ba Pás	ACbit	
	Iha 2020, CNC fasilita Programa Movel Chega ba estudante sira iha: <ul style="list-style-type: none"> <li>• Baucau: estudante 75</li> <li>• Zumalai in Covalima: estudante 84</li> <li>• Ermera: 145 estudante students</li> <li>• Triloka in Baucau: 120 students</li> </ul> Iha 2021, Chega expo ba feto sobrevivente no juventude ho total 65		
	Fasilita esforsu rekonsiliaun ka nahe biti ba feto sobrevivente no autór sira iha Covalima, diskute ho autoridade lokál, DNPCK, CNC, GMPTL.		
	Halo atividade espozisaun ba estudante no comunidade sira kona-ba istória sobrevivente Marabia nian iha fulan-Marsu tinan 2020 - hala'o iha UNPAZ		

ACBIT Ativa iha grupu servisu atu halo advokásia ba rekoñesimentu no reparasaun husi Estadu, lidera husi CNC, grupu servisu ne'e estabesele iha 2020		
Fasilita peskiza kona-ba asaun partisipatoriu (PAP) ba sobrevivente na'in 85 (Baucau 18, Ainaro 18, Dare/Dili - 15, Covalima 18, Same Rotutu 16 iha 2020). Fasilita PAP ba sobrevivente feto 74 (Viqueque 25, Covalima 18, Dili 13, Ainaro Mauchiga 18). Objetivu husi peskiza PAP ne'e mak atu buka-hatene istória kona-ba sobrevivente sira husi konflitu pasadu nian, buka-hatene sira-nia kondisaun moris agora daudaun, saida mak sira hasoru no oinsá mak sira bele hetan solusaun ba sira-nia problema moris no kumpre sira-nia direitu.		
Iha 2021: Acbit fasilita kura trauma ba sobrevivente na'in 74 (Viqueque 25, Covalima 18, Dili 13, Ainaro 18) Suporta asesu ba kréditu ba: Grupú Oecusse (Kliso Padiái) feto 14, (2020) Grupú Maliana ba membru 23 husi grupu- (Iha 2020) Grupú Maquelap Oe-Cusse ho totál membru 10 (iha 2020)		
Apoia veteranu feto na'in 2 hodi prosesa sira-nia dokumentu hodi hetan sira-nia direitu nu'udar veteranu (Same no Dili)		
Acbit envolve iha grupu servisu ba rejaun peskiza atu halo advokásia hodi asegura istória konflitu pasadu inklui iha kurríkulu		
Iha tinan 2020 - suporta nesesidade bázika ba sobrevivente na'in 149 hodi hatán ba pandemia (inklui labarik vítima kazu violénsia seksuál sira-nian) ba munisípiu 8		
Iha tinan 2021, fasilita apoiu ba nesesidade báziku ba 82 vítima inundasaun inklui sira-nia família		
Fasilita apoiu ba kuida saúde ba sobrevivente na'in 9 iha 2020 no ba sobrevivente na'in 13 iha 2021		
Fasilita grupu servisu ho ONG sira seluk atu identifika labarik sira iha TL ne'ebé lakon sira-nia família	AJAR	
Halo esforsu ba advokásia hodi ratifika konvensaun kona-ba ema ne'ebé lakon		
Monitoriza direitu ba asesu ba bee moos, relasiona ho ema vulneravel sira, inklui direitu ba feto sira atu asesu ba bee moos iha munisípiu 6, liuliu iha Munisípiu Liquiça no Manufahi	Yayasan Hak	
Hari'i kapasidade ba foin-sa'e sira kona-ba oinsá atu sai mediadór diak	Belun	
Fasilita diskusaun entre kaben-na'in sira hodi evita VBJ, fasilita treinamentu kona-ba abilidade moris ba sobrevivente sira	Fokupers	

Fasilita feira merkadu nian atu promove produktu sira ne'ebé sobrevivente sira halo ona		
Fasilita mediasaun ba kaben-na'in sira iha kazu sivíl sira ne'ebé nesesáriu: kazu abandonu ho defensor publiku (Prevensaun)		
Monitoriza dezenvolvimentu infrastrutura bázika ne'ebé fó benefísiu ba feto sira	Rede Feto	
Advokásia ba feto sira-nia asesu ba kréditu		
Monitorizasaun no advokásia ba orsamentu sensível ba jéneru atu asegura Estadu nia kompromisu ba jéneru no inkluzsaun	FOKUPERS	
Kolabora ho Diresaun Nasionál Rejistu no Notariadu Ministériu Justisa nian hodi fó sertifikadu moris ba bebé sira ne'ebé moris iha Uma-Mahon		

#### **KNA'AR SIRA SELUK HUSI REDE FETO MAK ATU ORGANIZA NO TAU MATAN BA:**

1. Preparasaun Relatoriu CEDAW nian
2. Lei LKVD tama iha vigór, LAHT
3. Rezultadu husi Enkuadramentu Asaun Feto iha TL
4. Deklarasaun Maubise
5. Submisaun OJE nian
6. Monitorizasaun ba integrasaun POA iha liña ministériu sira

#### **REKOMENDASAUN SIRA:**

- Presiza hala'o diskusaun kle'an kona-ba estatutu feto vítima no sobrevivente sira husi konfliktu pasadu, sivíl sira ne'ebé envolve voluntariamente iha prosesu Luta ba Autodeterminasaun.




ANEKSU 03:

**MEKANIZMU IMPLEMENTASAUN NO MONITORIZASAUN  
RKSNU PAN 1325 FETO, PÁS NO SEGURANSA (2024-2028)**



## ANEKSU 03: MEKANIZMU IMPLEMENTASAUN NO MONITORIZASAUN RKSNU PAN 1325 FETO, PÁS NO SEGURANSA (2024-2028)



### 1. MINISTÉRIO INTERIÓR

Ministériu Interiór mak instituisaun governu nian ne'ebé lidera koordinasaun no implementasaun jerál ba PAN 1325. Ministériu Interiór nia kna'ar mak atu hala'o supervizaun ba implementasaun PAN 1325 no halo relatóriu kona-ba progresu ba órgaun soberanu sira Estadu nian wainhira presiza inklui relatóriu anuál ka kontribuisaun Estadu Timor-Leste nian ba relatóriu Sekretáriu-Jerál ONU nian.

Ministériu Interiór sai nu'udar ponte entre estrutura implementasaun PAN 1325 nian, ne'ebé kompostu husi representante sira husi instituisaun governu nian no sosiedade sira atu fó sai informasaun inklui desizaun no asaun sira ne'ebé foti ba órgaun soberanu sira, inklui Konsellu Ministru, Parlamentu Nasionál no Prezidente Repúblika.

Objetivu mak atu buka apoiu, halo advokásia no informa instituisaun governu relevante sira liuhusi Konsellu Ministru atu inklui/integrasaun PAN 1325 iha Planu Asaun Anual (PAA) Liña Ministériu sira. Aleinde ne'e, halo aprosimsaun ba Parlamentu Nasionál atu aprova planu orsamentu ba implementasaun PAN 1325 no Parseiru Dezenvolvimentu sira atu mobiliza rekursu sira inklui fundu sira.

### 2. KOMITÉ DIRETIVA (KD)

#### Funsau

Komité Diretiva (KD) sei hala'o ninia kna'ar nu'udar órgaun foti desizaun final. Orgaun ida ne'e iha responsabilidade atu halo aprovasaun final ba planu, Termu Referensia (ToR), relatóriu no proposta sira no ba monitorizasaun no avaliasaun anuál ba implementasaun PAN 1325. Membru sira husi KD mós hala'o papél importante hanesan embaixadór ba PAN 1325, liuhusi rede servisu (atividade), iha relasaun esterna no atividade buka fundu.

KD ne'e prezide husi koordinadór ne'ebé ho esperiénsia boot no forte iha karakter ka automatikamente husi instituisaun ne'ebé lidera implementasaun PAN 1325 nian. Koordinadór KD ne'e mai husi Ministériu Interiór nu'udar lider jerál ba implementasaun PAN 1325 nian. Koordinadór jerál tenke iha rede servisu ne'ebé luan no relasaun dí'ak ho governu no doadór internasionál sira.

#### Koordenadór no Membru Sira

KD kompostu husi representante ida-idak husi sira-nia entidade implementadór sira husi Grupu 4 Traballu temátiku, Ekípa Monitorizasaun atu aseguza katak KD simu konsellu no kontribuisaun husi peritu temátiku ida-idak (iha pilár sira, M&E ka seluk), no atu aseguza koordinasaun

no kanalizasaun informasaun ne'ebé loos entre entidade hotu-hotu.

Nune'e, Diretor-Jerál husi Ministériu Interiór mak hili husi representante ida husi ministériu ne'ebé lidera implementasaun jerál PAN 1325 nian, hanesan Prezidente no Vise (representante Governu ida no naun-governamentál) ba kada grupu temátiku 4 hanesan Partisipasaun, Prevensaun, Protesaun no Hari'i Pás.

Komité Diretiva kompostu husi ofisiál sira nível Diretor-Jerál ka pelumenus diretor nasional sira husi ministériu relevante sira, diretor ezekevitu sira husi organizasaun sosiedade sivíl no pesoál tékniku sira husi parseiru dezenvolvimentu sira, hanesan tuir mai:

**Governu:** Ministériu Interiór (inklui PNTL) MD (inklui F-FDTL), MSSI, MJ, MNEC, MF, MS, ME, Gab PM, SEI, MJDAC.

**Sosiedade Sivíl:** ACBit, Rede Feto, Ba Futuru no Belun.

**Parseiru Dezenvolvimentu Sira:** UN Women.

Membru sira husi KD ne'ebé mós hala'o kna'ar nu'udar koordinadór no vise koordinadór ba kada grupu traballu temátiku ha'at ne'e iha responsabilidade adisionál atu apresenta relatóriu monitorizasaun trimestráil kona-ba progresu ne'ebé halo ona iha ámbitu pilár ida-idak nian.

Membru sira husi KD koletivamente simu responsabilidade barak husi Ministériu Interiór no sei hetan finansiamentu husi doador esternu ba programa sira ne'ebé relasiona ho implementasaun PAN 1325 nian. Membru KD sira iha responsabilidade barak ba feto, mane, labarik-mane no labarik-feto sira ne'ebé sai benefisiáriu direta ba PAN 1325, hanesan ezemplu, ofisiál PNTL feto sira, mediador nasional feto sira, deputadu feto sira, xefe-suku ka xefe-aldeia feto sira, veteranu feto sira, etc.

#### **Responsabilidade:**

1. Aprova polítika, estratéjia, programa, termu referénsia, relatóriu, estrutura ka mekanizmu sira ne'ebé relasiona ho servisu, ka iniciativa no esforsu sira ne'ebé relasiona ho agenda Feto, Pás no Seguransa inklui implementasaun RKSNU 1325;
2. Identifika no nomeia membru sira husi estrutura ne'e atu participa iha eventu rejional ka internasionál ruma ne'ebé relasiona ho PAN 1325.
3. Aprova proposta orsamentu ba parseiru



dezenvolvimentu sira no Konsellu Ministru atu suporta implementasaun atividade sira RKSNU PAN 1325; (Abril kada tinan);

4. Revizaun ba proposta ne'ebé prepara ona ba parseiru dezenvolvimentu sira ne'ebé husu apoiu finanseiru ba implementasaun atividade sira ne'ebé relasiona ho RKSNU PAN 1325;
5. Ho apoiu husi Ekipa Monitorizasaun no Sekretariadu, superviza implementasaun servisu husi Grupu Traballu;
6. Halo enkontru tinan ida dala rua (Janeiru no Jullu) ho GT, Sekretariadu no Ekipa Monitorizasaun,
7. Identifika dezafiu potenciál sira no buka solusaun sira, etc.
8. Informasaun ba Grupu Traballu kona-ba planu no orsamentu ne'ebé aprova ona ba tinan oin mai



Foto Ministério Interiôr

9. Ho apoiu husi Sekretariadu no dadas/informasaun husi departamentu monitorizasaun, prepara relatóriu mensál, trimestráil no anuál ba Ministériu Interiôr; aprova planu no proposta orsamentu detalladu ba PAN 1325; no koordena ho Ministériu Interiôr, Advokasaun ho Liña Ministériu sira ba aprovasaun orsamentál no atu inklui proposta atividade no orsamentu ba PAN husi Liña Ministériu sira.

#### Sorumutu sira

Komitê Diretiva nu'udar regra jerál, sei konvoka reuniaun dala ha'at kada tinan. Bele hala'o sorumutu adisionál sira, se prezisa, hodi asegura monitorizasaun ne'ebé lalais, hala'o estudo liña-baze ka organiza selebrasaun anuál PAN 1325. Sorumutu sira bele hala'o ho prezensa husi parte balun husi membru sira ne'ebé partisipa. Se la iha

prezidente KD, autoridade ne'e tenke delega ba membru ida atu prezide sorumutu ne'e.

Nu'udar regra jerál ida, KD sei konvoka sorumutu semana 2 hafoin sorumutu tinan-tinan ida-idak husi Grupu Traballu temátiku 4. Ida-ne'e permite sira atu halo revizaun no diskute kona-ba progresu no monitorizasaun no avaliasaun ba rezultadu trimestráil sira, hanesan koleta no relata husi Grupu Traballu sira no hatán ba pedidu ka proposta husi Grupu Traballu sira.

Sekretariadu/Kordenador PAN 1325 sei fó asistênsia no apoiu ba KD liuhusi planeamentu no organizasaun sorumutu sira, no liuhusi foti no disemina minutu sira husi sorumutu sira.

### 3. PAN 1325 GRUPO TRABALLU TEMÁTIKU (GT)

#### Funsaun

Grupu Traballu temátiku ha'at ne'e ida-idak dezeña no implementa atividade programátika liuliu iha ámbitu Pilár Partisipasaun, Prevenasaun, Protesaun no Hari'i Pás. Grupu Traballu hirak-ne'e kompostu husi representante governu no naun-governamentál sira, ho papél atuál ida iha implementasaun atividade sira iha sira-nia Pilár (Partisipasaun, Prevenasaun, Protesaun no Hari'i Pás). Sira halibur sira-nia especializasaun tékniku ba pilár spesífiku sira, no iha sira-nia área servisu no ambiente (hanesan komidade, militar, parlamentu, ministériu, etc).

#### Koordenadór no Membru sira

- GT iha nia Koordenadór Jerál no Vise-Kordenador ne'ebé nomeadu husi membru sira
- GT temátiku sira ba kada pilár iha koordenadór temátiku rasik no vise sira ne'ebé nomeadu husi representante governu no naun-governamentál sira ho papél atu implementa atividade no projetu sira iha kada pilár nia laran hanesan prevé ona iha Matrix PAN 1325 nian.

Membru Grupu Traballu ne'e maka representante husi instituisaun governu nian no sosiedade sivil ne'ebé kompostu husi Ministériu Interiôr, Ministériu Solidariedade Sosiál no Inkluzsaun, Minisétriu Justisa, Ministériu Defeza, Ministériu Saúde, Ministériu Negósiu Estranjeiru no Kooperasaun, Ministériu Edukasaun, Gabinete PM, SEI, MJDAC, PNTL, F-FDTL, MACLN, JSMP, Fundasaun Alola, Caucus, APSCTL, Belun, Ba Futuru, ACbit, Patria, ALFeLa, Fokupers)



## **Kompozisaun Membru tuir Pilár**

**Koordenadór Jerál:** MI

**Vise Koordenadór Jerál:** MSSJ

- **Pilár Partisipasaun:** MI, SEI, MJ, PNTL, F-FDTL, MD ho ONG 4 (Ba Futuru, APSCTL, Caucus, Patria) no lidera husi SEI no APSCTL;
- **Pilár Prevensaun:** MI, MJ, MS, SEM, ME, MD, F-FDTL, PNTL no ONG 4 (APSCTL, Ba Futuru, Belun, Fokupers) no lidera husi MI no Belun;
- **Pilár Protesaun:** MS, MJ, PNTL no ONG 4; (Fokupers, HAK, Pradet, JSMP) no lidera husi MJ no A. HAK;
- **Pilár Hari'i Pás:** MSSJ, MI, MJDAC, MNEC, ME, Gabinete PM no ONG 4 (ACBIT, Ajar, CEPAD, HAK) lidera husi MSSJ no ACbit;

Membru GT sira, koletivamente, iha responsabilidade boot iha entidade governu ka ONG sira ne'ebé sira representa, no iha kraik, ba benefisiáriu sira husi atividade sira ne'ebé hala'o tiha ona iha ámbitu sira-nia pilár espesífiku.

## **Responsabilidade**

1. Identifika no define atividade sira; prepara planu detalladu no prepara proposta orsamentu ba tinan 2024-2028 no submete ba Komité Diretiva ba aprovasaun (haree aneksu ba detalhe)
2. Molok fulan-Fevereiru kada tinan, prepara planu atividade anuál no proposta orsamentu ba tinan tuir mai no fahe ba Komité Diretiva no Ekipa Monitorizasaun
3. Implementasaun atividade sira PAN 1325 nian tuir papél no responsabilidade sira husi instituisaun prinsipál implementasaun nian hanesan iha Matrix PAN 1325.
4. Ho apoiu husi Sekretariadu, hala'o sorumutu fulan-fulan no tinan-tinan ho GT no Ekipa Monitorizasaun atu koordena implementasaun no fornese dadus/informasaun relevante kona-ba implementasaun ba Ekipa Monitorizasaun;
5. Ba kada trimestre, ho informasaun husi relatóriu trimestrál husi liña ministériu sira, hakerek relatóriu ida kona-ba progresu implementasaun atividade RKSNU PAN 1325 nian iha kada instituisaun no submete ba Komité Diretiva.
6. Fahe kopia husi relatóriu trimestrál husi liña ministériu sira ho KD no Ekipa Monitorizasaun
7. Halibur dadus/informasaun durante

implementasaun atividade sira no halibur dadus/informasaun husi kada diresaun/departamentu/unidade/sesaun husi kada liña ministériu/organizasaun/ajensia.

## **Sorumutu Sira**

Nu'udar regra jerál ida, estrutura Grupu Traballu Implementasaun nian mós sei konvoka reuniaun dala ha'at kada tinan. Bele hala'o sorumutu adisionál sira, se prezisa hodi asegura monitorizasaun ne'ebé lalais, hala'o estudu liña-baze ka organiza selebrasaun anuál PAN 1325. Sorumutu sira bele hala'o ho prezensa husi parte balun husi membru sira ne'ebé partisipa. Kuandu koordenadór la iha, vise koordenadór sei prezide automatikamente sorumutu ne'e.

Grupu Traballu sira-ne'e sei konvoka sorumutu semana rua molok sorumutu anuál ida-idak husi Komité Diretiva no Ekipa Monitorizasaun nian tanba servisu sira husi Grupu Traballu nian sei apresenta ba ekipa monitorizasaun nian atu halo análize no Sekretariadu sei kompila atu apresenta ba KD.

Sekretariadu/Kordenador PAN 1325 sei fó asisténsia no apoiu ba GT liuhusi planeamentu no organizasaun sorumutu sira, no liuhusi foti no disemina minuta sira husi sorumutu sira.

Sorumutu sira bele hala'o ho prezensa husi parte balun husi membru sira ne'ebé partisipa.

## **4. EKIPA MONITORIZASAUN**

### **Funsaun**

Ekipa Monitorizasaun (EM) funsiona nu'udar observador ofisiál ba PAN 1325. Nia monitoriza progresu implementasaun atividade sira ne'ebé hala'o tiha ona, identifika no bolu atensaun públiku ba dezafiu sira, hala'o advokásia ho objetivu atu implementa ho efetivu liuhusi negosiasaun no aprosimasaun ho parte interesada sira husi instituisaun líder governu sira. Membru sira mai husi organizasaun oioin ne'ebé kompostu husi representante sira husi sociedade sivil, governu no parseiru dezentvolvimentu sira.

### **Koordenadór no Membru Sira**

Ekipa Monitorizasaun iha koordenadór jerál ida-ne'ebé membru sira hili ba peskiza, auditoria no konsultivu. Ekipa Monitorizasaun ne'e kompostu husi Ministériu Interiór - DNPk, SEI (Sekretáriu Estadu ba Igualdade no Inkluzaan), AMA, PDHJ, UN Women no Rede Feto -Rep. Sociedade Sivil)

### **Responsabilidade:**

1. Ho apoiu husi grupu traballu sira, koordena monitorizasaun ba implementasaun RKSNU PAN 1325;
2. Konvoka sorumutu ho KD no GT dala ha'at iha tinan ida (trimestral) nomós sorumutu adisionál sira, wainhira konsidera nesesáriu atu aseguara relatóriu anuál;
3. Bazeia ba relatóriu trimestrál no anuál husi liña ministériu sira, prepara relatóriu anuál monitorizasaun no avaliasaun kona-ba progresu implementasaun PAN 1325 (Marsu to'o Jullu)
4. Apoiu ba Grupu Traballu sira iha desenvolvimentu planu monitorizasaun no aseguara katak indikadór PAN 1325 inklui iha Planu Anuál ba instituisaun implementadór xave sira-nian
5. Apoiu ba GT iha desenvolvimentu instrumentu monitorizasaun nian
6. Fornese apoiu tékniku no hala'o treinamentu monitorizasaun ba membru grupu servisu sira
7. Kompara no analiza relatóriu sira husi LM no ONG sira

### **Sorumutu sira**

Nu'udar regra jerál ida, Ekipa Monitorizasaun sei konvoka sorumutu semana ida hafoin sorumutu trimestrál ka bianuál husi Komité diretiva. Ida-ne'e permite observadór sira husi KD atu halo relatóriu kona-ba rezultadu no d- iha kompilasaun relatóriu projetu sira, organiza sorumutu no vizita kampu ba sira-nia relatóriu monitorizasaun anuál sira.

## **5. SEKRETARIADU PAN 1325**

### **Funsaun**

Sekretariadu/Kordenador PAN 1325 sei fornese assisténsia no apoiu hodi fasilita enkontru no atividade sira husi entidade implementadora hotu-hotu no reforsa/eleva komitmentu ba sira-nia funsaun no responsabilidade sira.

### **Responsabilidade:**

1. Fornese assisténsia no apoiu ba funsionamentu estrutura no mekanizmu implementasaun PAN 1325, Komité Diretiva, Grupu Traballu

no Ekipa Monitorizasaun inklui preparasaun esbosu, revizaun, kompila ka finaliza relatóriu sira.

2. Apoiu iha organizasaun enkontru entre grupu servisu no Ekipa Monitorizasaun
3. Kompilasaun planu no orsamentu detalladu husi grupu servisu no halo planu no orsamentu jerál detallu (molok loron 30 Fulan Marsu kada tinan)
4. Fahe planu no orsamentu ne'ebé propoin tiha ona ho Ekipa Monitorizasaun no Komité Diretiva
5. Organiza no fasilita reuniaun sira husi Komité Diretiva, Grupu Traballu, Ekipa Monitorizasaun no Avaliasaun;
6. Halo minuta sorumutu ne'ebé organiza husi KD, GT no Ekipa Monitorizasaun no Avaliasaun;
7. Disemina/ atualiza informasaun relevante ka progresu relasiona ho implementasaun PAN 1325 ba KD no GT.
8. Fornese apoiu báziku ne'ebé relasiona ho servisu hodi aseguara implementasaun ne'ebé lo'os no ba objetivu atividade M&E nian, hanesan:
  - a. Hato'o no kompila relatóriu trimestrál kona-ba Monitorizasaun no Avaliasaun,
  - b. Apoia no tulun Ekipa Monitorizasaun hodi organiza entrevista, vizita kampu hodi halibur informasaun ba sira-nia relatóriu anuál sira.
9. Hala'o serbisu ka kna'ar seluk ne'ebé delega husi Ministeriu Interior no husi Komite Diretiva, relasiona ho agenda Feto, Pás no Seguransa.

Diresaun Nasionál Prevensaun Konflitu Komunitária Ministériu Interiór nian sei responsável ba funsionamentu no jestaun jerál sekretariadu nian no sei hetan apoiu husi pontu fokál sira husi diresaun ka ministériu xave relevante no UN Women.



ANEKSU 04:

**REKOMENDASAUN ESPEŚÍFIKU BA PILÁR 4 HUSI PAN 1325**



## **ANEKSU 04: REKOMENDASAUN ESPEŠÍFIKU BA PILÁR 4 HUSI PAN 1325: KONSULTA MUNISÍPIU NO NASIONÁL**

### **PILÁR PARTISIPASAUN**

- Iha nesesidade atu halo fali no foka liu ba esforsu husi parte interesada relevante hotu-hotu atu asegura oportunidade adekuadu ba partisipasaun fetu iha foti desizaun
- Iha nesesidade atu hasa'e partisipasaun fetu sira-nian hanesan mediador no mós iha prosesu foti desizaun relasiona ho pás no seguransa liuliu iha setór seguransa, forsa defeza no instituisaun judisiáriu sira
- Prosesu nomeasaun fetu ba pozisaun seniór tenke bazeia ba méritu no livre husi forma intervensaun polítika hotu-hotu.
- Iha nesesidade atu aumenta número PNTL fetu sira iha prosesu rekrutamentu ida-idak.
- Organizasaun relevante sira tenke hari'i fatin ka fatin ba inan sira PNTL atu fó-susu sira-nia bebé.
- Feto F-FDTL prezisa hetan promosaun ba nível a'as iha nível ne'ebé hanesan, no proporsaun ne'ebé hanesan ho maluk mane F-FDTL
- GoTL tenke tau fetu potenciál sira nu'udar Mediadór ba Pás no envolve sosiedade sivil nia pilár hotu iha Munisípiu sira atu participa iha implementasaun daruak PAN 1325 (2024-2028) kona-ba FPS
- Presiza haka'as an atu hasa'e konsiénsia entre mane sira atu nune'e bele fó fatin ba fetu sira atu participa iha ámbitu polítika hotu-hotu
- GoTL bele nomeia pontu fokál sira husi governu no sosiedade sivil hodi tulun prosesu treinamentu/servisu ho benefisiáriu sira (fetu no labarik-fetu). Bainhira identifika na'in ba devér no na'in ba direitu sira, sosiedade sivil (OSS), governu no benefisiáriu liña ikus (ezemplu sira ne'ebé participa iha sesaun formasaun), ekipa avaliasaun hatene katak parte interesadu balun (hanesan OSS no parseiru implementadór) identifika hanesan na'in ba devér (halo prestasaun servisu ka responsavel ba asaun) nomós na'in ba direitu iha termu benefisiáriu ikus (fetu no mane).
- Wainhira iha fetu barak liu iha setór seguransa bele fó kbiit ba fetu no labarik-fetu Timor-oan sira atu ba oin ho relatóriu kona-ba asaltu seksuál no krime sensível sira seluk, tanba sobrevivente sira dalaruma sente la konfortável hodi hato'o relatóriu ba mane sira kona-ba kazu sira ne'e. Ho nune'e, maske la aseitavel kulturalmente ba mane sira atu halo peskiza pesoál ba fetu sira, ofisiál seguransa fetu sira bele halo peskiza sira-ne'e hodi

hadí'a seguransa ba ema Timor-oan hotu. Tanba ne'e, sujere ba Governu Timor-Leste atu dezenvolve versaun zona ida husi PAN 1325 ne'ebé bele halo tuir pilár sira tuir mai:

- a. Lokalizasaun PAN (Faze II) ba rejiaun ki'ik liu iha nasaun
- b. Responsabilidade
- c. Orsamentu Responsivu ba Jéneru
- d. Seguransa Umanu

### **PILÁR PREVENSAUN**

- Iha nesesidade atu estabese Rede Mediasaun no rede ba FPS iha Munisípiu atu asegura implementasaun.
- Tenke estabese matadalan sira ba mediasaun sensível ba jéneru, ne'ebé parte competente hotu bele uza hanesan.
- GoTL estabese Unidade Funcional ida ba Konflitu, Avizu sedu no Resposta Sedu tuir Ministériu nia Rekizitu. Tenke dezenvolve instrumentu koleasaun dadus sensitivu ba jéneru no sensitivu ba avizu sedu ne'ebé aliña ho mekanizmu avizu sedu no resposta sedu ba konflitu husi Autoridade Intergovernmentál ba Dezenvolvimentu (IGAD). Ida ne'e bele uza hodi treinu no envolve mediador dame, monitora no análize sira no nune'e asegura relatóriu lalais bazeia ba indikadór konflitu komún sira, buka asaun no halo monitorizasaun ba progresu - partikularmente kontra indikadór espesífiku jéneru
- Mediadór dame hotu, liuliu fetu sira, tenke hetan formasaun adekuadu kona-ba mekanizmu avizu sedu no resposta ba konflitu.
- GoTL tenke halo esforsu atu hasa'e konsiénsia kona-ba PAN 1325 iha nível lokal tanba konsulta sira-ne'e lori ba naroman katak LM, OSS, OPS no comunidade boot seidauk iha kompiensaun di'ak liu kona-ba AP 1325.
- Rede Prevenaun iha Suku tenke hametin.
- GoTL tenke hala'o asaun preventiva ba labarik, kazamentu sedu no obrigatóriu no isin-rua sedu iha área fronteira comunidade nian inklui PNTL no F-FDTL (F-FDTL);
- ME tenke inklui asuntu sira hanesan Direitu Umanu Báziku iha prosesu aprendizajen iha eskola sira.
- Presiza haka'as an atu hasa'e kapasidade ba ofisiál sira ne'ebé hala'o lei iha relasaun ho prevenaun konflitu (PNTL no F-FDTL).



- GoTL tenke hala'o kapasitasaun ba fetu no foin-sa'e fetu sira iha PAN 1325- hodi prepara sira atu foti asaun kontra tipu violénsia oiain. Ida ne'e bele komplementa ho hasa'e advokásia no konsiénsia hodi tau reklamasaun iha fatin públiku hotu-hotu ho mensajén relevante sira.
- Diseminasan kona-ba PAN 1325 ba liña ministériu sira to'o nível lokál

## PILÁR PROTESAUN

- Rekomenda ba Ministériu Interiór no Defeza atu kria polítika sira ne'ebé regula membru F-FDTL no PNTL sira, ne'ebé husik hela fetu no labarik sira iha sira-nia kna'ar fatin bainhira ezejuta orden servisu.
- Iha nesiedade atu hala'o avaliasaun ida iha área fronteira sira hodi identifika fetu no labarik vítima sira ne'ebé membru sira husi forsa seguransa no defeza sira ne'ebé desloka iha fronteira sira husik hela;
- Garante justisa ba arguidu sira iha pasadu ne'ebé seidak hatama ba prosesu judisiál;
- Tenke hari'i mekanizmu ida atu garante seguransa ba PNTL fetu sira bainhira sira hala'o kna'ar kalan nian.
- GoTL tenke asegura katak labarik ho defisiénsia sira hetan oportunidade hanesan, liuhusi ambiente ida ne'ebé fó apoiu no fásil ne'ebé fó kbi'it ba sira atu partisipa ho signifikativu iha dezvoltamentu Timor-Leste nian.

## PILÁR HARI'I PÁS NO REKUPERASAUN

- Iha nesiedade atu asegura katak estraga modelu inter-jerasaun liuhusi kria programa empoderamentu ekonómiku ba jerasaun vítima krime pasadu sira;
- GoTL tenke fó apoiu finanseiru ba veteranu fetu husi funu 1975 ne'ebé seidak hetan direitu tuir lei;
- GoTL tenke promove rekoñesimentu ba fetu sira-nia kontribuisaun ba no sira-nia luta ba dependénsia no identifika vítima sira husi luta ba independénsia no vítima sira husi violénsia seksuál no tortura durante luta, atu nune'e sira bele hetan asesu ba rekoñesimentu, apoiu no assisténsia husi Governu;
- Presiza kria mekanizmu atu hetan sertidaun moris ba labarik sira ne'ebé hetan husi violénsia seksuál. Mekanizmu hanesan ne'e labele identifika labarik sira-ne'e ho maneira diskriminatoriu;
- GoTL tenke fasilita labarik veteranu fetu sira ne'ebé hasoru difikuldade atu hetan sira-nia direitu, liuhusi simplifika prosesu ba sira atu

bele estabelese sira-nia identidade liuhusi hetan sertifikadu RDTL;

- GoTL tenke haka'as an atu halo rekonsiliaaun entre grupu Arte Marsial no grupu Arte Ritual;
- Ho ideia prinsipál iha ne'e mak 'vítima no testamuña' kazu asaltu seksuál fó sira-nia evidénsia iha sala tribunál espeisial la hasoru arguidu, tenke prevé medida sira tuir mai:
  - Sala Tribunal tenke iha entrada ida-ne'ebé la asesivel ba arguidu. Iha ne'e, vítima ka testemuña bele fó sasin iha vídeo ligasaun husi sala adisionál ba sala tribunál ne'ebé juís, prokuradór, arguidu no sira-nia konsellu sei nafatin marka prezensa.
  - Se vítima ka testemuña hakarak fó sasin iha juís nia oin, arguidu sei muda ba sala adisionál ho vidru haree borus ida atu nune'e sira bele haree no rona prosesu. Sei fó ligasaun audio atu nune'e bele fó instrusaun ba sira-nia advogadu.
  - Pratika sira-ne'e inklui monitorizasaun ka aranju balun ne'ebé vítima la haree arguidu nia isin ka oin; hamenus kestaun krós-examinaaun hodi hakerek no entrega ba juís hodi hatama ba vítima iha lian ne'ebé klaru no la moe; no tempu deskansa sufisiente ba vítima abuzu ka violasaun seksuál ba labarik sira durante depoimentu.
  - Distritu ida-idak tenke iha sentru espeisial ida, ne'ebé sei fó ambiente amigavel ba testamuna vulneravel sira atu fó sasin.
- Halo advokásia ba fundu assisténsia sosiál atu inklui apoiu ba fetu no labarik-fetu sira nomós ba organizaaun fetu nian iha sira-nia iniciativa sosiál no ekonómika ho objetivu ba sira-nia integrasaun iha komunidadu;
- GoTL atu promove sentru rehabilitasaun, reparasaun, assisténsia no reintegrasaun ba vítima abuzu seksuál no violénsia bazeia ba jéneru husi perspetiva jéneru;
- GoTL atu promove asesu ba edukasaun no saúde ba fetu no labarik-fetu sira ne'ebé afetadu husi trauma pós-konfliktu.
- GoTL atu kria grupu servisu multi-setoriál ida ba implementasaun no monitorizasaun kompromisu sira kona-ba FPS; no
  - GoTL atu tau iha atensaun no mantein espezialista ida-ne'ebé iha esperiénsia ne'ebé presiza atu hari'i sinérgia entre padraun lubun rua ne'e ne'ebé bele uza maka'as hodi hadi'a sira-nia implementasaun no impaktu.
- Buat hirak-ne'e bazeia ba lisaun no rekomendasaun sira husi konsulta ne'ebé analiza tiha ona no inkorpora ona iha PAN kona-ba FPS hanesan hakerek iha PAN 1325 Matrix 2024-2028.



